

皇明續紀三朝法傳全錄

皇明續紀三朝法傳錄卷之十二

聖湖 高汝棡輯

沈自關叅

甲子天啓三年四月

京師地震、欽天監占候失誤、上怒、嚴旨責禮部、尚書

書盛以弘、疎誤司官以下、失于覺察、降三級調外任、內

閣葉向高、捐救旋什之。○大學士朱國祚予告回籍。○

聖駕親詣太廟、行祀典、蹕旋至夜二更、忽然地震、屋

壁動搖、踰更廼止。○澳夷遠來奉旨嘉其效忠、准與

朝見犒賞、以示攸厚。○都察院都御史趙南星疏奏三

款一特點河南道二員專心憲務院中事務一任查議  
二巡案濫舉貪酷之吏者先行教誨使自行檢舉以爲  
夕改之功慢不爲意則繩之以法三御史巡方每乞寬  
限畫錦逍遙有一差而議升者今三差之例縱難猝伏  
必兩差已滿咨訪稱而後議升報聞

先是南星有申明憲職一疏上嘉其公忠而令載  
之憲綱以垂永遠茲復補贖其未備云

升鄭三俊爲都察院右僉都御史協理院事○內官趙  
進忠韓文遠毆辱兵科給事賴良佐事聞 命司禮監  
查奏嚴 旨詰責良佐

朝儀舊制外朝非係面恩不入內班病嗽退班迴避  
一時良佐患痰嗽隨例退班又署掌科印于五門外謝

思突遇二人詰問佐以實對卽以柳條撲打衣冠以裂詬言不已訊其名迫趙進忠韓文遠也官非直隸安加籍于青鎮答非失儀頗受辱于內

壁太監之橫漸不可長矣

安酋破烏撒其衛指揮骨良相死之水蘭之未發難也巡撫李樞標下有骨良相者密稟於公曰水蘭逆謀已久奢氏旣反安必繼之黔中無兵餉猝然有變計將安出樞曰吾已移張總鎮于平越遣黃都閫團兵遵義堪爲犄角良相曰總鎮儒將也黃都閫能辨小敵不能辨大敵平越兵可用遵義兵不可用樞曰然則奈何曰城中且招兵萬人積二年糧用許成名將之以觀其變樞曰力不能旣許成名已遣往安莊良相曰至少亦須兵

外藩雜錄

五千糧一年待新院至更作區處。樞銜之其後良相以祖母病乞假去別而泣曰烏撒孤城且與安效良相仇水西有難禍必首及良相隻身無子願以死報國乞圖長策保此一方樞亦泣而應曰必不可支吾有死而已良相去後甫一月而難起烏撒首被賊破良相自縊死○操軍以給散月糧稽遲全營鼓噪恭順侯吳汝胤疏聞上命嚴查首惡治罪下部并查給散稽遲之故○以林堯俞爲禮部尚書○大學士孫承宗上疏乞休上溫旨勉留遣官宣諭復賜銀幣羊酒攸厚之五月朝鮮國擅廢李暉立其弟李倧事聞下部議勦李

李唐末帝  
大過益已  
十五矣何  
且速廢  
置平叛  
果不道宜  
具奏天朝  
特宜勅布  
告明正其  
罪初竟以  
建疾而廢  
之耶

暉李盼次子以序得立李宗親姪也走馬試劍謀更  
著聞常在暉左右用事管理筆札之役入春因見暉有  
痿疾遂起逆謀弑平山節度使李貴兵馬五百赴王京  
防禦又密約繼祖潛入太妃宮中舉火為號徐率貴以  
救火為名領兵入宮逼暉投烈焰以死并其世子官眷  
皆行殺慘太妃 旨數暉之罪徐遂即王位

高汝弼曰朝鮮襲來貢獻不絕軍興往來給其饋乏  
釜山之役我實為彼覆露使李暉世世守之無疆今  
不察命于朝竟爾易位暉國妃之意是篡立之奸也  
查洪武年曾有李成桂之事維時恭愍王之遣無  
權以禍主國事而昏暴日恣至欲與師犯遠成桂以  
為不可禍自負罪乃遜位于昌國王瑤後瑤又不  
俊國人非之請于恭愍王妃退瑤而推成桂具奏請  
旨高皇帝帝因裁定而可之三百宋奉命惟謹李暉

不比于禍而李徐軍可比于成桂。又聞朝鮮成祿從  
奴。聯念昔年邪翼之恩。誓報中國。徐又係倭婿。廢立  
之舉。寔借倭  
爲之助也。

永寧大捷  
禮部尚書盛以弘予告回籍。○四川將兵會勦者首攻  
破麻唐坎、觀音菴、青山崖、天蓬洞等處。因而五處發兵  
進攻永寧。與賊戰于土地坎。奢寅親統大眾五股來敵。  
我兵殺敗賊酋。追至老君營。涼傘舖盡燒賊營。寅身中  
二鎗。斬其偽總兵等官。樊虎亦被殺死。復攻橫山八甲  
中第三澳處。又攻青崗坪等處。斬級甚多。次日又攻土  
地坎。賊黨敗退于永寧城下。四面截堵。城中火起。軍民  
四亂。我兵殺入于馬上。生擒周邦太等。出降二萬餘人。

將官之食  
殘非一日  
矣正運  
清一人

跳城赴水而死者、無數、奢酋送其婦女、上江崖、卽于江崖扎營、我兵亦扎營于江崖之對、江門一帶、自此漸清、餉道亦漸通矣、報捷于朝、○貴州巡案侯恂、劾都司僉書黃運清、前以謀殺冒功、爲按臣楊鶴所劾、茲提兵入省、殺人禦貨、擄掠屠殺、貪殘不可勝言、部議追贓二十萬、如律正法、從之、○微遠東巡撫閻鳴太、回籍聽勘、以其與孫承宗不和也、○貴州總理總兵魯欽等、三路進兵、徑入賊巢、擒土司何中蔚、宋萬化、而斬其諸酋、羅文化等、○奢崇明父子、自知罪逆陷天、構結鄰夷、經年冲突、自長寧大敗、黨與亦漸潰、乃借水西諸夷、以冲遵義、



而我兵敗之尤假西賊烏鎮陽之兵為背城借一之舉  
四路埋伏以待我兵兵至扎營紅崖紅崖者天台水脚  
婁石牛酸草等七國素稱天險天兵曾未有至者  
推遠東經撫韓策命下旋以張鳳翔易之

先是銓部會推遠撫以韓策首上而上心不悅戶科  
給事羅尚忠劾其才長氣浮不足以帥三軍乞令他  
輔舉以自代上謂銓臣曰爾在最為要緊前次推舉  
已自不堪今須加慎又曰所推之人著各明開才畧  
何如何人堪用何人薦舉以憑裁酌于是部以張鳳  
翔郝名臣程鳳樞韓策四人上係兵部尚書黃漢儒  
吏科程註御史李時榮  
所荐上遂欽點鳳翔云

南京皇城興慶左房永福永壽二宮災

留都宮禁刻揭不許重修其內堆積枯朽椽柱寂無  
人到野草滿殿滿地不知火從何至想枯朽歲久風

侵日晒故老相傳未能生火  
自焚之災信或有之

御史吳甡請舉視學大典上以明年舉行下部知之

六月川湖總督張我績報貴州捷音獻戰象二隻并象  
奴一名時總兵張彥芳率衆提兵至羊耳箐林叢密闊  
口列馬步數千後繼之以象我軍銃弩連發賊敗而逃  
至鴨池河四散我軍奪其戰象并奴斬級二百七十有  
奇溺水死者不計其數○內官張守仁等索取冬衣銀  
兩羣集工部堂上喧嚷工部尚書鍾羽正奏聞內官冬  
衣銀兩原係工部職掌今歲領去歲之銀此定額也是  
時內璫橫肆欲破格先領以致喧嚷殊非國體上曰

各官冬衣銀兩自當厝處解進部堂公署不宜羣集喧嚷事下司禮監及御史田惟嘉疏諭然後有嚴查責降之旨復督司官慢事招致次日降諭咎起驟之張守仁責而降其三級着役

七月貴州巡撫王三善疏言臣力已竭欲移鎮遠候代上命吏禮二部酌議黔圍旣解兵勢漸振督臣楊述中撫臣王三善勦撫異意便成水火三善謂安圖強梗逆我顏行元兇未擒不可以撫如剿以爲撫則扼其吭而剪其勢以撫爲撫未免吞魚之餌養虎貽患耳且三善有言餌旣不足卽機會有可冒未敢輕發亦未嘗專言

勅自述中夾意用撫而三善遂托疾欲去

按安位母子與進士田景徵公文乞降聽撫又差漢把劉光祚生員田應谷投鳴冤冊于鎮遠總督楊述中述中烟曉諭禍福利害更責縛解與土酋父子方准議撫表紹等隨稟降供狀願擒奢寅父子自贖述中仍發紹等同巢紹等至省羈留未發而撫按會議亦勅服安位母子縛解安邦彦奢寅父子出獄然後請旨治罪出撫按之意大都主剿謂版章其地郡邑其土為國家百世之利將安位母子偏置楚邊督撫之意謂點首子遺與殘破郡縣尚難振起開疆拓土恐未易言且兵食未能卒辦不若議撫之為愈也勅撫倘有異同而餘事不支三善之及于難有自來矣

內操

詔八月十五日開內操○兵部尚書董漢儒丁艱回籍以王舜鼎為工部尚書詔以趙彥為兵部尚書黃儒炳為南京吏部右侍郎○南京陝西道劉之鳳奏言皇

上起開內操竊抱腹心隱慮彭鯤化言之皇上諭以不  
費錢糧宋師襄又切痛言之皇上諭以稽查嚴密不必  
疑慮臣以視爲不必疑慮者乃正大可慮者獨不慮此  
紫禁肘腋是爲何地可容特鋒露刃者時馳騁其中又  
不慮縮虎符握重兵是爲何權而可輕倒授于巷伯之  
手以素不知兵之人統素訓練之兵卽問之提督能自  
保其不伍譁而什躁乎能保其無投充顧替奸細雜進  
乎以盜柄之人而得撓大阿之柄迨羽翼已成至尾大  
不掉雖欲制之尚可得乎哉昔劉瑾之變不旋踵而束  
手就擒者正以未握兵權耳假令當日紹方寸之符握

甲士三千滿朝文武有環視而不敢櫻者矣。上以實  
擾嚴責。○福建道御史周宗建劾司禮監太監王體乾  
駕妄說以撓公。愚臣循祖制以盡職。清查光祿寺錢糧  
節省過多。上以所奏皆係祖制照舊遵行不必爭執。

高汝欽曰國家方日憂餉而年來議加派議搜括議  
事例議抽典鋪一切苛且之政無所不為且各官捐  
俸以資消滴多不謂蠲膏之極乎乃冒濫所在一涉  
內監堅持不破不知此輩日食君祿即光祿一項歲  
額二十四萬益供皇上玉食每月不過千金中宮  
之席每月不過三百餘金以次遞減獨內監食桌一  
貧銀三萬餘兩米至一萬餘石此外虛冒又不可紀  
極其所取國家者何啻而誅兩偶涉輒起相爭世事  
至此可為長嘆。

湖廣黃梅縣田義明煽亂知縣戴文箕平之義明以巴

東細民素習邪術妄稱彌勒佛祖下界與其黨佔據塔苑化眉伏龍三山聚衆百餘夷漢人等日每朔覲觀衆約得萬衆有僧寺欲去其座几被伏劍殺死衆救乃免每執刃鎗火炬沿鄉驅嚇不如意卽放火殺人叅政蘆瑛田多方解散猶未已也文箕押兵擒捕之擒時果有陰風揚沙撲面犬血洒之伏沃其腦而沙塵方息義明之外有談春喜田宗偉等所稱大童子三童子天符靈官童子又有火車童子諸人先已遁去惟義明斃于獄云○命降提督內樑太監劉朝于南京朝以盜室罪瑞寅緣脫獄亡何以戎政內宜給事中毛士龍嚴爲抄參

旨凡中寢復以閣援遂得提督三千虎旅至是以罪發  
覺屏逐卹失宋師襄奏言今朝雖去而朝所蓄之三千  
虎旅安在乎將聽其無統乎抑另擇一人提督之乎夫  
此三千人者皆朝之腹心親兵也代提督者不與同心  
則提督危如與同心是又一劉朝也況乎三千之外朝  
所私養死士亡命又不下數千也皇上但知去一劉  
朝其害已除而不知未去之劉朝其憂方大世豈有以  
蓄怨深怒之人潛布親信腹心之士于左右能保其不  
終爲患耶聚之則內宦卽爲內兵散之則內兵還爲內  
宦脫危胄而珥璫卷旗車而陞戰明示以聖明不伏用



且令反側得以自安不亦可乎。

廣西交夷入犯巡撫何士晉督率漢土將士驅逐平之奏聞。上嘉獎。○貴州道御史王會稽奏失去庫銀乞勅嚴查以清風蠹。先是老庫十數年前被人盜去銀二十九錠。天啓三年查失一百零八錠。是庫也。四顧垣墻屹然重門封識儼然庫外之人誰敢擅進半步。則庫銀之失必典守諸役朋謀乃爾。後先監督諸臣俱有鬚眉。豈作此行徑。昔楊紹震議及此事云。此庫本是不清驗。四五年間有一不肖者入庫盜銀爲守者所執。卽以盜去之銀均分以箝口。問其人堅不肯吐。第曰。總四五年。

聞之人一問可知也。是以會昌疏聞後終莫得其故。○  
工部尚書鍾羽正予告歸里。時內官逼取冬衣喧嚷  
部堂羽正受不堪之辱。封印出城奉旨勉留再三堅  
決不從。至是始允其請。

高汝弼曰。天下不法之事。莫大于凌駁官府。蔑視憲  
臺。况尚書何官。部堂何地。卽皇上待以不名。而內  
臣敢呼罵而逼辱之。其所損益不小也。去不宜乎。夫  
羽正之去。不足惜。朝廷失一清望之老成。與名流之  
惜矣。

大學士史繼階予告回籍。○上大婚禮成。加恩近侍。司  
禮大璫王體乾王之棟。朱晉等俱膺世襲錦衣。魏忠賢  
更以青宮供辦。聖母膳羞之故。廕姪二人。其他梁棟等

不可悉數。于是吏科程註奏言：世襲太濫，祖制非軍功不襲。兵科周之綱亦奏：世祿原非國典，濫予不符舊例。上兩次旨下，咸以近傳欽勞原有舊例，且以伏行速之。○登來巡撫表可立，偵報奴酋內潰情形，先是復州僞總兵劉興祚，卽劉愛塔欲反正，內應使金應魁賁送密稟，求登撫免死，加卹牌票。登撫因給與之，命總兵沈有容率兵出海接應。劉愛塔屢約獻城，至六月款約更確，定于某日先取復州，而復州守備王丙以舊仇發愛塔之事于奴。慙慙發夷兵三萬圍復州，縛愛塔去，因盡驅其民北行，而永寧、蓋州、南衛四百里之地盡失，可圖之

機矣。後愛塔復歸鎮江。○麻羊守備張勝收復金州。奴以劉愛塔之故。將金復等處邊民盡行殺戮。逃難甚多。守備程鴻鳴等帶領船隻俱往青山嘴接遇。盤招撫遺民以四千計。並無尺布遮身。于是逃選丁壯列有三十五隊。因哨探金州城內有達賊五六百名。統領該部島兵并帶壯丁助張聲勢。晝伏夜行。齊至金州南城門下。舉火吶喊放砲。軍聲大振。賊從北門逃去。盤進城得砲銃硝黃等藥若干斤。大小鉛砲若干。遂復金州。○貴州巡撫王三善獻安賊偽軍師劉洪祖偽總兵宋萬化家屬妻丁氏子宋祖胤步玉妹宋氏四姐水銀敵骨事。

偽總督陳勝、偽總兵何中蔚、妻任氏、偽守備何中勝、何應良等一十八名、口陣斬宋萬化首級一顆、原頒敕印、與其僭製龍虎旗傘、刀弩、大銅鼓一面、諸舊銅鼓二面、襪鬼袍等項、獻俘闕下。上命會官取決何中蔚等五名、併梟示。宋祖胤等五名、另議。時陳勝等八名、中途病故。祖胤僅二歲、步玉等皆在垂髫。部議當從三宥、沒入官爲奴。

新草爰恨猶不聞乎、藐爾奴酋、蓄以孤雛、迨至滔天、當事者何可不留心也。

升余懋衡爲南京吏部尚書、曹于汴吏部右侍郎。時會推南銓李三才爲正懋衡爲陪銓。式則馮從吾爲正于

忤爲陪。上以三才尚未起用，馮從吾回籍未久，故俱點陪。二臣辭。上曰：「此係朕裁，不必猜疑煩聒。」

九月，聖駕將于冬至郊天，內監請用民馬發監調習壓演。上許之。太僕寺卿柳佐言舊例：聖駕郊祀各監局及各衙門隨從騎坐馬俱御馬監應用。萬曆年間始請討寄養馬匹，况堪大等處共馬九百餘匹，御馬應有馬三千餘匹，其費不啻數萬，而不以之供一日之用，何也不報？○韋招練副使劉國縉職聽勘，李春燁奏其冒濫也。○戶部尚書陳大道予告馳驛回籍，以李宗筵代之。○吏科給事李春燁奏勸登萊舊撫臣陶朗先監軍。

御史游士任招練副使劉國縉各兵馬錢糧費餉朗先  
爲重故先以朗先一案奏報計朗先任道任撫已踰五  
年數十萬之餉盡屬侵欺疏入上命原籍撫案解朗  
先至京法司勘問追贓○升錦衣衛千戶王朝寵爲都  
指揮僉事以皇祖妣懿親故特升之○起升兵科都  
給事楊鏈禮科都給事惠世揚禮科左給事魏大中  
九月經筵畢因進光宗皇帝實錄上面賜內閣輔臣  
葉向高等各馬鞍銀幣有差○吏部尚書張問達引疾  
乞休命加少保新銜歸里○直隸巡按御史崔呈秀  
劾知州汪心淵侵冒錢糧事下部○南道御史解鳳翔

致渡河  
將席捲  
而下城  
凡守心  
淵

正學  
方高度  
藏始退耳  
榮降之功  
有足嘉錄  
所叙錄而  
反以身當  
總此步  
人所以灰  
心也

疏奏紅夷作亂就澎湖築城協我互市而副總兵張嘉  
東提兵數千閉城自守諸不法欺罔狀上命撫按官

督率將吏悉心備禦驅除一切安攘事務許便宜行

高汝拭曰紅夷非我族類橫處海濱但一葉中流今  
且俄然勝雄甚至要挾互市驅役人民劫掠廬舍斷  
絕商賈半多內地奸徒與日本往來勾引今不早為  
處置恐興化之變即在目前而浙直閩廣俱為搖動  
聞自往事可為寒心

升左光斗大理寺左少卿

十月東省寇平加恩元輔葉向高上柱國韓爌左柱國  
何宗彥孫承宗少付建極殿朱國禎顧秉謙朱延禧各  
少保武英殿魏廣微太子太保文淵閣庶賞加隆趙彥



解此亦玩  
注之一端

太子太保廕世襲錦衣衛指揮僉事陳道亨等各加俸  
一級銀幣賞賞各有差○奪刑部司官余繩訓巡風主  
事洪聲遠兵馬段果各一級是時會審李維翰楊錦李  
如楨熊廷弼王化貞達奇勛賓承武高出胡嘉棟等皆  
入長安門扭捺長板俱令家人持拏風聞于上上降  
諭切責因以奪級

舊列犯人係山東司管印郎中掌管巡風主事驗明  
出部之後帶領兵夫押送則南北三城付兵馬及至  
長安門帶領旗尉押進則錦衣衛千戶也凡在刑部  
諸犯倒于出監時上扭捺押該司票封長板而後解  
出出長安門魚貫入審惟輸九人則謂曾列衣冠囊  
頭可憐遂乘昧爽之時自內監點出徑不入司印用  
筐蓋使家人草掖至長安門意圖先期潛入偶遇守  
門內官可比始帶刑具云

迨南昌府知府湯道衡下刑部獄查盤老庫錢糧既而  
戶部劾明<sup>切</sup>還原職先是道衡爲戶部員外典主事楊  
某同管太倉老庫及道衡陞任南昌御史王會勗聽楊  
紹震之誑<sup>所</sup>而訐之及道衡就訊該部視詣太倉驗視  
鐵門重肩草木蒙茸匙鑰收之總督經年人跡罕有到  
者是以得爲昭雪○十二日戌時 皇第一子薨追謚  
懷冲太子○以御史熊則相請召還刑部尚書王紀併  
御史方震孺辦士任 旨以姑名市恩責之○禮科給  
事熊奮渭疏言謚法關係甚重品評宜公條列禮樂文  
章事功節義四款宜加申飭事下部議 詔中外直省

絕法陳美  
極矣內難  
噴雲以辱  
尚書門聖  
鼓噪以騰  
御史甚者  
郡望檢行  
以殿青瑣  
此事之極  
異者

暫免行刑以宮中喜事臨遇又復郊祀首舉大典遵  
皇祖例也○登萊總兵沈有容三路燒燬賊糧併火炮  
打死奴衆賊聚衆復仇我兵設計截堵斬獲甚多賊尋  
遁○門軍虛冒御史趙廷慶奉旨查革軍士因兵部  
檄下操西營將領羣嘩而起至趙私寓混打拋撒擁圍  
不去御史微服而出其執旗號招者一人執竿而前者  
百人至後張拳詈罵漸至數百伏至部門譁噪不已西  
城御史熊則楨發牌諭令解散隨聞于上旋命首惡正  
法該營把總分別究處○南京廣東道王允成奏累朝  
應謚未謚名臣仰祈補謚伏見皇祖御極二十年來

部科酌定八十一臣應爲易名者悉賜欽點近伏有旨  
議五年以內謚典之旨南北諸臣各有論列臣等嚴加  
詳核自開國以至嘉隆共舉十五臣而近世止舉三四  
臣大都詳于舊而畧于新者時除革除靖難方孝孺鉄  
絃陳廸暴昭黃鉞已經先後闡揚奉 旨部伏外開國  
謀議之臣二人曰學士陶安御史中丞章溢開國死事  
之臣三人曰南昌府知府葉琛曰縉雲伯胡深月陽男  
孫炎內閣翼儲之臣一人曰左春坊解縉兵功之臣四  
人曰都御史高明日工部侍郎孔鏞贈光祿寺卿任寰  
都御史朱統撫綬之臣二人曰都御史黃綬都御史徐

恪直諫死事之臣二人曰案察使周新贈光祿寺少卿  
蔣欽行人贈御史孟陽近世四人曰光祿寺少卿顧憲  
成光祿寺少卿涂肅兵部尚書王世揚都御史王象恒  
事下部伏。戶科行考成功令當革職者南昌知府黃  
元會等十人當住俸者青州府知府柴寅賓等三十餘  
人共五十二員尋釋之

高汝栻曰錢糧征解出自州縣而府為監督之官。府  
司則考其成者也。行法自上而下則首當及于藩司  
次及府文次及州縣。行法自下而上則當及州縣次  
及府又次及藩司。茲獨責之該府則是自府而上。甘  
為受過。自府而下未蒙顯戮。以前既屬漏網之魚。以  
後盡為驚鯨之鳥。况革職之法原以處貪墨非以行  
催科役食墨者。更將何法以處之。此令一行。人各愛  
其官。誰為愛此百姓者。不肯有司借以快其望楚囚

以實其溝壑天下  
于是乎無民生矣

待郎余懋衡、曹于汴、予告回籍、時會推四人、正推者既不用而得旨者不免坐交通之疑、二臣內不自安回籍  
○二十九日 皇子誕生、詔公侯駙馬伯、文官四品以上、武官三品以上、并 皇親官員俱于閏十月初二日赴會極門領賞

頒給費用等項、取太倉庫銀二十萬兩、太僕寺銀十五萬兩、順天府銀五萬兩、凌奏給賞、應賞財用、匱絀之時、借此以充餉、蓋亦甚便、而諸人之賞非萬不可已者、開其源、不若節其流、有未哉

閏十月、湖廣巡撫薛貞奏、派州府沅陵縣、清水坪民家母牛生犢、一身三尾、二頭、當卽剖殺、二心三腎、斃坪溪

民家母猪生四子，最後者一長嘴猪，身人腿隻眼，腿皆無毛，異聲驚人，隨斃之。○套蟒要扶不遂，我師出兵應之大捷，奏聞，詔于十三日辰時告廟宣捷。○總兵毛文龍深入勦奴，大捷，詔賜銀蟒仍發帑金三萬充賞功之費。○改孫瑋爲吏部尚書，管都察院左都御史事，鄭三俊爲左副都御史，楊漣爲右僉都御史，俱協理院事，張經世爲戶部尚書，總督倉場。○升張鳳翔爲兵部侍郎，以妖寇蕩平，調度得宜，命其功也。○廣東道御史李玄疏言衙門最緊要最關切者，無如吏曹，而吏曹中最濫觴最敗壞者，無如銓選之法，爲甚。近日請選者，無論

痛微言之

正途雜途人人站立不定有牆壁者托居間以關說無  
牆壁者行賄賂以鑽求打點既到方上卯而得官安排  
未及卽經年而守候望選愈急則賣求者愈力京債成  
千成百不顧也候選益久則使費益多展轉而興永興  
子不恤也未出國門一步先謝貪官之根若到地方之  
後那肯做愛民之事此吏治之日污銓政之日壞也銓  
政之日壞由選規之未定也選那無非賢者但沿襲日  
久幾成痼癖且司官兩月一轉速如傳舍整頓之未遑  
若不及今清楚一番仕路終無宜朗之日事下所司○  
詔斬鼓噪門軍首惡張文舉等梟示其協從不宥○進



鼠怪

此詩之  
所歌頌鼠

封太子太保新城伯王升爲新城侯男王國典升錦衣衛指揮同知甥土國太錦衣衛正千戶○以李起元爲南京戶部尚書○南京廉宗睿鑑監生陳鼎相謀逆○十一月初一日冬至聖駕親詣郊壇行郊祀禮畢上念天寒軍士守衛勞苦卽還宮○薊遼總督王象乾奏言屬夷遣使叩關從前撫賞敕詔答之○冊封慧妃范氏爲皇貴妃以其生皇子也○陝西鼠怪鳳縣東關外飛鼠成羣在地食穀甚速居民捉獲一隻狀若捕鷄之狸自首至尾約長一丈八尺濶橫一尺兩旁肉翅腹下無足足在肉翅之四角爪趾前四後五毛細軟深

長若鹿之黃黑色尾甚豐大人逐之其去甚速能飛行  
不甚高命屠剖其腹而黍粟飽滿幾有一升事聞按院  
憲牌仰縣捕捉復獲數隻本院臨驗其首若兔其尾若  
貂兩旁肉翅與前相同第視前更大顏色皆白與家鼠  
之黑色尖尾者又迥別嗟夫怪鼠雜生山谷剪食禾黍  
共作災青是亦大異已○奴酋犯牛毛寨總兵毛文龍  
設計斬獲生擒解獻闕下○雲南巡撫羅汝元奏沐府  
莊店宜割屬有司上曰莊店仍歸該鎮責其出力封  
疆特嚴行約束不許倚勢害民

高汝栻曰沐氏莊店西南郡邑向苦其擾也萬曆三  
十一年當事諸臣議割而歸之有司矣沐鎮安享其

富樂。真民安享其恬熙。利莫大焉。頃有役黠之徒。欲借勢力。微賞管。來者沐氏具奏得旨。于是中外惶惑。汝元具疏上請。上乃仍申前旨。嗟。嗟。沐氏子孫。生長富貴。未必如西平昔自之聲靈。能鞭笞諸夷也。第聖明着念世臣。暫歸管業。則沐氏之拜恩。何幸哉。亦宜自爲之計矣。

工部尚書王舜鼎奏言。今日治河。以疏汎河身爲第一義。河身訊深。卽以所訊之上幫築隄岸。河安故道。庶幾河可無事。而議者謂費大未易動。嗟。嗟。使河而不至大壞。猶可相安于無事。只恐欲省費而費不可省。將來且什百于此耳。故爲目前計。則堵築夾口。并力綏遙。委在所急。爲久遠計。則疏汎河身。元伏故道。亦以難緩。從之。十二月。雲南汨海衛等處地震。响聲如雷。樓筓崩裂。城

梁震倒者五百餘民房倒塌者不計其數日夜連震五次同日五處皆震○戊李可灼○以喬允升爲刑部尚書○吏部尚書趙南星疏奏剖露良心大都謂在內之講升講調以及于荐人在外之咨升保留邊俸以及于調煩向方習爲固然今覺大爲非是議切時弊 旨溫張答下部行之○山右哈刺慎部夷郎素貴英作亂樞輔孫承宗遣總兵馬世龍率兵勦捕賊潛遁先是永平道張某稱李只素報郎素等三十六家夷人于前月回巢留達子三百餘騎在于遼東城外打圍暗要作反又據坐門夷人讓李召台報山右作反係郎素三家達子

此番殺掠  
明係即重  
為崇

劫意小有  
殺傷即重  
勦討豈得  
事事姑息  
如卷亦林  
清為患也  
深即建首  
亦款央也  
玩寇養賊  
遂至于此

舊章之廢  
他已久別  
修果反若

按郎素乃長昂之孫貴英為虜中頭目住牧喜峯口外  
近挾賞于關門駕驚役猾至斷通事之髮燒高臺之芻  
徹去坐門夷人除與水以東為拱兎坐門不徹而高臺  
江西既徹而歸獨先靈寺地未歸也此在九月二十六  
七日至初九日百數賊騎深入黑庄窠地方見有儼備  
雪夜潛逃○左都御史趙南星申明憲職謂舊例差滿  
御史回道咨訪考察上命開載憲綱永遠遵行○叛逆  
奸細韓宗功等伏法宗功原任副總兵今叛歸奴至登  
來州代奴探路聞山海有兵馬因從喜峯口進在張家  
灣潛住探聽巡視西城崔奇觀獲之原與逆犯劉保通

記常人情  
之倫安日  
甚則浸行  
即為多事  
此南星有  
憲職之由  
明也

謀往來京師劉保已誅宗功逃脫今復批獲并獲其子  
韓板桂真達子董成俊等遂下法司戮于市

乙丑天啓四年正月王師進搗大方大捷時王三善同  
總理魯欽等領兵渡渭河深入大渠洪江島崗等處賊  
衆潰散奢杜輝安位焚毀大方老巢竄入火灼堡賊首  
安邦彥奢寅逃匿織金洗蕩賊巢安氏衙門在夾盤嶺  
偕擬王府較先年楊酋堂室奢侈十倍撫院按轡而入  
收拾灰燼整理廬舍民間風來投者日以千計漢把都  
等乞降救出田景猷劉志敏楊明楷董兆麟遵義同知  
張玘鵬及著避洞夷難民是役也我兵自潯山雄所連

三善可謂  
勞臣亦可  
謂能臣

得大捷之後賊胆寒黨潰所借烏芸等郊夷望風而奔  
勢如破竹竟成灰燼

高汝栻曰王三善解會省之圍凡十八大戰而黔中  
所係咽喉無若洪邊十二馬頭與龍里一帶蓋十二  
馬頭西接安酋水外六目之地綿亘數百里當省會  
之胸龍里居新添平越上游若布數百寨而抗省會  
之吭安邦彥敢于跳梁特有此也復有朱萬化劉洪  
祖以佐之故邦彥圍城之初潛入城中圍從內潰條  
隱修見走壁飛簷懸千金賞令萬億衆併力擒之不  
得忽而躍出犯平越破龍里自稱龍里王與何中糾  
一犄一角飛面食人致令全黔點火斷烟消一望千里  
橫尸流血白骨如丘燐光夜燭其哨聚酋仲數十萬  
圍省城兩閱月三善竭方盡心躬冒矢石而後解圍  
解圍後諸苗蠢動所在見告邦彥捲土重來深山窮  
巖聚糧積餉冀死灰之復燃三善復殲其巢千餘寨  
剪滅無遺功亦偉矣哉

剿逆巡撫佯解妖首王好賢等至京下法司訊問妖首

王好賢者其父乃王森家居深州以救一妖狐狐能言令森斷尾藏之自有異香襲人人聞其香皆願歸附稱爲聞香教主遠近響應俄而森死遺資巨萬好賢以此購募邊塞勇敢之士謀反益急而景州于弘志山東徐鴻儒羣然附和約以八月之望三方同起鴻儒等以他事相激先發後詞連好賢至是爲薊遠巡撫所獲刑部擬以卽付處決餘黨悉宥○命李從心爲三邊總督馮從吾爲南京右都御史○御史田惟加請召還科臣毛士龍侯震賜熊德陽賈繼春江秉謙等至者選宜速年例當減下部知之○大學士何宗彥卒○原任吏部尚



書鄭繼之卒。○議停推遣。劄總督時東首爲逆。兩虜紛紜。督臣王象乾以兵部尚書行邊。任撫事。極力提挈。遂有端緒。似乎專主于撫。每恐防者生事啓釁。而主防者亦苦于主撫之說而難防。以兩相成之事。至于兩相防。以兩相兼之人。至于兩相卸担。不便甚矣。夫既有督臣。不必有經臣。經臣既能任事。督臣卽當罷遣。是以大學士孫承宗有疏乞休。上攸詔曲留。至是乾象以憂去位。例當推擇以往代任。衆議紛紜。或曰宜推。或曰宜停。卽欲推而難其人。有其人而無敢任。故部有暫停之議。明旨直曰邊事重人。督師承宗既自請担任。總督官且

不必推

二月推南京吏部尚書鄒元標北京戶部侍郎鄭之俊之俊等皆欽點惟元標未下踰日旨從中出云鄒元標年已衰老前在朝中行禮艱難朕所目見况留銓重任亦要胡陵謁廟恐非所宜還着另推來用○詔十二日開講○盜殺長興縣知縣石有垣主簿徐可行隨獲賊首吳野樵徐山施立甫石二房及窩盜許畫匠寘之于法有恒族人來縣干謁有恒薄待之因與白蓮餘黨吳野樵等結連于除夕五鼓乘其拜牌執而殺之并殺其主簿天明民兵漸集賊無所往從縣舍後逸去隨獲正

法○御史吳尚默請定吏胥稅役以補民賦之不及

議以清查其頂首兩案數稅之照民間田房稅契每年納銀三分爲卒又限某年月而更替之當該以三年分滿一切書辦等役亦以當該爲卒滿則出缺行本衙門官考擇其勤謹者代之代者納稅中有奉功令文無害者不易其人必易其契而照稅如前庶可補根餉額內額外虧欠之數也時未能行

大學士葉向高再疏乞休先是神廟時閣中止向高一  
人處官府隔絕之秋事不如意終日愁悶每中官到與  
談宗社大計輒爲泣數行下兩易官皆見之中官老成  
者亦爲之嘆息曰好時節受用宰相都被別人做去公  
却來此受苦八年間未嘗一日伸眉幸 神宗憐念放  
之歸里有如更生至此時事又不如前所以再疏乞休

其疏辭曰、臣先後共事諸臣、非死則去、死固人之所不免也。每見去者、便艷爲登仙。自審行能淺薄、何敢望人。然以十餘年之奔馳、而欲徼一日之天恩、以從諸臣之後塵。聊偷延于林下。只願批准回籍調理五字。只此五字、便是臣續命之丹、超生之路、勝華袞之章、萬倍矣。上遣鴻臚堂上官宣諭慰留。○巡撫周起元奏報織造錢糧欵額、并辦府佐姜楊無罪被誣、事下部。後削姜楊之職。○兵科給事胡永順劾兵部尚書張奎鳴爲本兵時一籌莫展、但阿附舊輔、拜廟焚香、呪死奴酋、陰蓄固寵、及當出視師、以頭撞柱、流涕破面、激發罵朝、賴元輔

三善此處  
未免疎虞

以正言折之遷延而去。盈庭白簡公論難容。且及其撫  
滇費餉無筭事疏留中。○貴州巡撫王三善自大方回  
省。墮酋詭計以兵潰落馬自刎。副將秦明屏亦死之。逆  
賊安邦彥奢仕輝既敗而逃。撫臣留駐大方。邦彥日夜  
借兵于各土司。斫指爲誓。以祈伏仇。漢把陳其愚者。目  
把中猾棍也。詐降。撫臣信之。每出與其相度。某處可府  
某處可州可縣。至是自大方回省。其愚已易名爲嘉謨  
。疏傳謨山後遇賊。撫臣勒馬回救。嘉謨故勒馬衝。撫臣  
墮地。于是雞鬼蜂擁。將我兵盡圍。撫臣自知不免。將印  
付家人。囑令護持而去。乃抽襟中小刀自刎。頭皮已破。

從者奪其刀。撫臣斥晉大罵賊遂割其首以去。經營三載一貨。聚功賊勢復張。甚爲可恤。

按其愚與邦彥之弟邦俊最契。去歲僞檄一通。字字皆出其手。中間一段。指斥至尊。尤爲可惡。自負精通地理。故探家以禍黔人。監軍道安伸爲其所愚。稱爲可用。所以撫臣信之。在貴陽作水西耳目。城中情實秋毫無密輸之。身雖降。而心實在水西。後督臣蔡復一至。恨其計陷撫臣。奉尚方劍誅之。黔人歌舞。

升左光斗都察院左僉都御史。協理院事。○薊遼總督

王象乾奏屬夷縛獻生事。夷人求欵抵賞。罰贖且悔罪。

輸誠守哨。悉加舊約。上嘉其威信。誓服控。取得宜。攸

賞以酬勞。○加田爾耕太子太保。以其總督官旂緝補

有功也。更賞以羊酒新鈔。魏良材照例升給爾耕尚書

田樂之孫以軍功補蔭錦衣賓綠忠賢之門遂得美擢  
○總督王象乾丁艱加少師兼太子太師回籍象乾行  
目軍民擁道遮留三十六家伏地痛哭不起蓋德望威  
靈素洽華夷故也今去而議代難其人有停擢之議既  
而謂不可已因急催代○山東道御史王尊素直陳時  
政十失復言內庫錢糧稍通改折金花舊額暫取濟邊  
而羣臣每言必稱內庫仍舊解進不知天下誰之天下  
而欲留此朽蠹也又云阿保重于趙奴禁旅近于唐末  
蕭牆之憂係于伏莽毫末不戒將尋斧柯 旨責其天  
下誰之天下等語謂其撻拾煩言別無謀畫奉奉三月

○刑科解學龍疏劾川貴總督楊述中觀望不救引維  
陽之圍賀蘭進明阻兵爲證又云鎮道而下皆並轡而  
歸被執者獨撫臣赴賊而死者獨秦明屏乞勘明議處  
旨是之○聖躬偶感風寒宣輔臣及太醫院官至乾清  
宮殄脉輔臣恭問萬安上賞銀幣仍諭入閣用心  
辦事諸臣叩頭而出○詔復推剴遼總督以吳用先任  
之

三月京師地震○妖變銷除地方寧謐升馮嘉會兵部  
右侍郎蔭子入監○四川道將擒獲貴州叛酋奢崇輝  
崇明妻安氏僞丞相僞都督等官器械戰馬無算奢寅



統城有火  
救火者皆  
搶火者也  
出于奸民  
者什三出  
于營兵者  
什七

根本之論

竄匿隣土。爲招降水西偽侍郎羅擢魁等六千餘戶。○  
浙兵鼓噪。仁和陸某張燈失火。延燒居房。各營兵以救  
火爲名。因而搶掠。反與市民爭。諸民訴于把總。兵遂海  
湧攘亂。杭嚴道因朴責諸民。以謝亂兵。亂兵折毀更樓。  
撻辱把總。兩游吉跪拜求之得免。兵驕不已。則思還旣  
得逞。而且媚之。長此安窳耳。當事者所當深念也。○福  
建道御史李應昇奏言。今之議者。但知急財用。而不暇  
急民生。但知憂邊疆。而不知憂內地。陳十害五反。乞早  
禁革。清理。毋使貪墨長氣。塌允捱時。而貧民嗷嗷。日在  
水火。以傷平明之治。又言。修省莫切于修身。修身莫先

于省心。伏讀祖訓有云。凡吾平日持身之道。無優伶近狎之失。無酣歌長飲之歡。蓋聖祖誠意正心。脩身者如此。伏願皇上。毋謂體已康而足恃。毋謂災已過而可忘。以臨朝御講之敬。推之深宮燕閒之中。以宣醫弭藥之心。推之快意適觀之際。屋漏儼臨。出入淵凜。則祈天永命之第一義也。又曰。宸居清禁。生氣所聚。且宗廟社稷之靈在焉。而銃砲雜喧。震驚地脉。魍魎之象。地寔應之。似非所以安神靈而保和氣也。卽皇祖故事。曾一舉行。而當時未及兩年。旋即傳旨停罷。且曰。內外之分。殆無常操之理。皇上三伏斯言。可以油然而悟矣。旨以

實優責之。○詔貴州總督楊述中解任回籍，另行勘議。江西建昌府德安王校尉，撻辱生員孔胤愷，時諸生鼓噪事聞。上命查革爲首之衣巾，本府通行停科。命叅處知府提學撫臣韓某奏言提學王元會新轉未任，請及寬政，止將長史府所呈有名生員不許應試從之。○以趙南星爲吏部尚書，南星上再伸良心一疏，謂臣老矣，良心尚在。所謂竭志力于陛下者，不過大小臣工各以良心爲社稷蒼生而已。又曰：陛下之小民皆在水火之中，而可以救民者，莫過于巡撫。而此官甚不易作，必德望威稜，貪污絕無者，而後可耳。其次則知府最急，知

府賢則縣官不敢害民。又曰：天下最可患者，莫甚于民之作亂。今幸而稍定，尚可不爲之防乎？臣以爲防之自○知○州○知○縣○始○然○莫○急○于○懲○貪○有○司○之○貪○已○成○風○而○長○安○之○書○帕○自○十○二○金○至○一○百○且○有○至○二○百○金○者○此○皆○何○從○而○來○謂○宜○以○穢○跡○昭○彰○者○撫○按○先○行○究○問○確○然○而○後○具○奏○追○贓○正○法○如○有○所○囑○受○賄○曲○爲○庇○護○者○臣○叅○奏○重○處○庶○貪○風○漸○息○而○亂○萌○可○消○矣○。○兵○部○議○設○立○標○營○命○于○京○營○選○鋒○壯○丁○內○擇○取○二○千○名○馬○六○百○匹○詔○從○之○

按標兵做制于留京准法于邊鎮威有親兵以備緩急兵部職守禁廷爪牙王室亦不爲過第率領大隊

作副將王承恩修建帥府者所正陳大同提督則以車駕司主事劉永基無論糧餉禮部給關防工部

製辦旗牌。紛紛多事。何如。  
今舊三大管之爲愈甚。

刑科阮大鍼遣吏部尚書趙南星書曰。吏部有秘密藏  
陰符經。又曰。升轉請告者。皆引下首相代。外人有項首  
之謠。南星欲革此弊久矣。見書毅然有振作之思。遂上  
疏曰。吏部四司。惟稽勲司一人。餘司皆二人。想以稽勲  
事少之故。然今日之稽勲。皆儲以爲文選考功之用。不  
若就近推補。司官不拘資及一省不妨二人。引陸光祖  
之調吏部。呂坤黃克念等同邑同司之例爲言。上從  
之。于是南星遂調職方司郎中鄒維璉爲稽勲司。以儲  
他日考功。以管外察。維璉江西人。原任主事。吳羽文亦

江西人羽文遂拘舊例杜 中去維璉終不敢復任求  
其故刑科傅繼互有煩言 上疏微刺羽文求去益堅  
維璉亦上疏力辭其疏微傷過激以致紛紛相爭復及  
僉都御史左光斗吏科都給事魏大中引故內臣王安  
中書汪文言以致諸臣或辦或解或叅駁同室之中互  
起戈矛廟堂之上幾成聚訟是何光景也 上曰中外  
多事大小各官當勤職業不得爭論口舌更不得私憤  
攻訐致傷善類

按守太、徽州人原係武學不第元年納監入王安之  
幕本年邵輔忠論劾奉旨提送刑部問徒三年更名  
文、言仍伏入監遇纂修實錄題授官常浸正內閣中  
書性來于大老之門致身于顯耀之地內外交通之  
術去學家

三月... 手未必無之。然卒以此傾左。魏諸君...  
或大獄。豈不冤哉。

都察院右僉都御史左光斗。吏科都給事魏大中。各疏  
自辨。并乞休以謝言者。上曰。左光斗。清望協特風紀。  
心迹自明。大中新擢吏垣。到任供職。

葉向高曰。世路如水。微風吹之而生波。疾風激之而  
成浪。故欲水之平者。當息其風。以今日之風而求波  
浪之平。卽馮夷海若亦束手而莫知爲計矣。自唐漢  
宋以來。一有于此。便與國家相終始。中間經多少賢  
人君子。費盡心力。不能消解。至使人主嘆息。謂去河  
北賊易。去朝中朋黨難。要之病根所在。只是爭官。競  
進。一念爭。不可破。日甚一日。舉士大吏。無智愚賢不  
肖。精神命脉。皆歸併于此。而又公然講說。毋知畏避。  
有不遂意。恣謗傾生。觀此光景。令  
人轉思。晝夜乞哀者。之爲高也。

敘漕運河道。淮楊巡按。并道將平妖功。

陳仁錫曰東妖發難鉅野鄉民謬爲窟穴餘氛四煽  
蜂擁成羣亂夏鎮戍成城劫貢最嚴糧餉勢同燒掠  
災甚剝膚使其無歸東連則全清爲梗設或順流而  
下將盡芟可虞幸妖賊蕩平細結利漕氣清運河道  
之功宜也而崔呈秀爲淮揚巡鹽于此地方尚遠干  
戈夷何功而儼然敎之乎祇見爵賞輕而倖邀易矣  
福寧州軍變營起倉官林廷桂之盜竊軍儲怨叢千州  
同徐士璋以其受賂寢閤王州守又庇佐二而不爲調  
解于是刁軍流民張天錫等揭竿而起恊衆閉城辱官  
毆吏圍署樹旂折屋詐財城門閉者十有三日守道朱  
震生解散旋就寧謚○削管北鎮撫司理刑且移劉僑  
藉以許顯純代之王思敬侵占牧地漁利多年共計八  
百餘頃下鎮撫司問讞上獄詞上責其泛濫含糊賄賂



受賄賂且以問汪文言事不逢璫意遂削之○延綏巡撫翟鳳翀奏榆林兵營猪妖示異猪一頭二身二尾八足

一首也而分身爲二分尾爲二又分足爲八有始合終離之象焉有四分五裂之意焉查晉元帝建武元年有豕八足後有劉隗之變武帝太元十三年京都人家產子一頭二身八足後邊習用事漸亂國政則咎徵可虞而修省宜急也

以蔡復一總督貴州兼巡撫統轄節制調度兵餉

月詔大理寺卿升戶部左侍郎林熙春准馳驛回籍此異數也故有後不爲例之旨熙春疏辭不允

皇明續紀三朝法傳錄卷十二 終

皇明續紀三朝法傳錄卷之十三

聖湖 高汝栻 輯

高鼎煒 較

甲子天啓四年五月刑科沈維炳請止立枷其疏曰立  
枷之制法不麗于五刑慘更甚于肆市自二年以來  
枷下者六十七人就今三四月已斃者十有二人中間  
豈無罪疑惟輕帶累駢首者而一板籠頭立至糜爛甚  
可傷也 祖宗設三法司凡情罪輕重必取平焉故人  
雖犯與死比猶肯泥首對簿法司一聞金吾緹騎身未  
投囚扉而覓已落重壤矣況一入錦衣之門究竟得免

皆刻骨  
官體人

而猶然  
也讀此  
用諸  
騎四出  
立有人心  
也哉

議亦須苦楚。備嘗血肉淋漓。問官苟非屠伯。當此寧  
遂晏然。況坐密之門。一開則監謗之舍。寃必衆。羅織之  
經可纂。恐設變之人。自有此劉儵。所以甘心削藉。脫此  
狼毒。而不悔也。動煩駕帖之秘。僉頻驅邏尉。以行傳此。  
輩奉駕帖而往。羣虎飛而食人。張牙吮血。動貽破家。甚  
至市棍因緣。爲奸假稱。冒指鄉愚。得生爲幸。寧顧倒囊。  
官府知而緝查。蚤已獸散。類不勝言。疏入不下。○奴賊  
攻旅順堡。都司張盤大敗之。

盤守金州。探得復州達賊。標掠恣淫。下三年十月。領  
兵襲之。奴衆奔竄。奴大憤。益衆來攻。盤以衆寡難敵。  
領兵出城。伏于山間。俟其入城。棲息已定。伏兵四圍之。  
飽擊刀所斬獲無數。奴擄器械而奔。以兵少糧乏。不

其全疏  
在疏歸  
不克錄  
讀其全疏

敢問復州移兵于旅順三山口偶有風損南船內有  
泥欄米荳十餘石兵民賴以存活今正月奴又率兵  
來攻旅順我兵奮擊賊不能下遣使招降盤即斬以  
殉于是圍益急盤設伏南北兩山夾攻虜大敗而去  
○魏廣微顧秉謙朱國禎朱延禧入閣辦事○大學士  
孫承宗稱病乞休舉兵部尚書趙彥自代上懇留之  
○贈長興縣知縣石有恒太僕寺少卿王簿徐可行湖  
州府通判滕縣知縣姬文胤太僕寺少卿各磨子一人  
入監讀書○樞輔孫承宗進呈車營圖冊上以壯猷  
成畫加之

六月內監魏忠賢逆黨怙勢作威擅權亂政欺君藐法  
無日無天右副都御史楊漣憤其大負聖恩大干

則知世道  
祖宗法  
明正事  
無若  
出者  
以快  
之公  
禮者

皇明法傳錄卷十三

加制撮其罪之大者二十四款以叅之其一專恣肯意  
多出傳奉公然三五成羣勒逼誼讓政事之堂幾成閹  
市其二交通孫杰論去閣臣劉一燝冢臣周嘉謨急于  
剪已之忌不容皇上不改父之臣其三執春秋討賊  
之義者禮臣孫慎行也明萬古綱常之重者憲臣鄒元  
標也忠賢一則逼之告病去一則噤言官論劾去顧于  
護黨氣毆聖母之人曲意綢繆終加莽玉以贈其行  
是何親于亂賊何仇于忠義其四王紀鍾羽正先年功  
在國本及紀爲司寇執法如山羽正爲司空清修如鏡  
忠賢一則使人喧嚷干堂辱而迫之去一則與沈淮交

忠賢懼內  
 此之發其  
 針殺者殺  
 換者換左  
 右既畏而  
 而不敢言  
 惟外庭之  
 終其奸逆  
 者逐銅者  
 細外廷天  
 官觀望而  
 不敢言耳

構陷之削藉去。顧于側媚善附之人。破格黜用。驟加一  
 品。以歸其五。國家最重。無如枚卜。忠賢一手握定。力阻  
 前推之孫慎行。盛以弘。更為他詞。以錮其出。豈真欲門  
 生宰相乎。其六。爵人于朝。莫重庭推。推皆黜陪。致一時  
 名賢不安。以去。顛倒有常之銓政。掉弄不測之機權。其  
 七。滿朝荐文震孟等。抗論稍忤忠賢。傳奉盡令降斥。屢  
 經恩典。竟阻賜環。長安謂。皇。上。之。怒。易。解。忠。賢。之。怒。  
 難。饒。其。八。上年。皇上南郊之日。傳聞宮中有貴人。以  
 德性貞靜。荷上寵注。忠賢恐其露已驕橫。謀之私比。托  
 言忌病。立刻淹煞。其九。裕妃以有喜。傳封。忠賢以抗不

有無議無  
官備國官  
實或板業  
附校倫門  
批壁或步  
相居使或  
反克門客  
逐其所善  
概其所惡  
無所不至  
內有授而  
外發之外  
有呼而內  
應之向背  
忽種禍端  
立止

附已。屬其私比。捏無喜。偽旨勒令自盡。不令一見。皇  
上之面。其十。中官有慶。已經成男。乃繞電流紅之祥。忽  
化為飛星墮月之慘。忠賢與奉聖夫人。實有謀焉。其十  
一。先帝之在青宮。四十年。所與護持者。僅王安一人耳。  
登極一月。治成堯舜。不可謂無功。皇上倉卒受命。擁  
護防衛。亦不可謂無微忠。忠賢以私忿矯旨。掩殺于南  
海子。其餘大小內臣。無故而拉殺拉逐者。又不知其幾  
千百也。其十二。今日討獎賞。明日立祠額。要挾無窮。王  
言屢褻。近河間府。毀民居。以建牌坊。築愁築怨。引恨吞  
聲。其十三。今日檄中書。明日檄錦衣。金吾之堂。口皆乳

吳詒勸之銘目不知丁如魏良弼魏良材魏良卿等五  
侯七貴何以加茲其十四手滑膳粗用立枷之法以示  
威前歲枷歿皇親數命其枷號家人者欲排陷皇親也  
其排陷皇親者欲搖動三宮也若非問臣力爲護特旨  
官極爲糾正椒房之戚久典大獄矣其十五良卿生員  
章士樞以爭煤窰傷其墳脉托言開礦而致之歿其計  
六伍思敬胡遵道侵占收地徑拏黑獄三次拷掠身無  
完膚草菅士命其十七周士朴執糾職監一事原是在  
工言工忠賢竟停其陞遷使吏部不得守其銓除等第  
不得司其封駁險邪因之以偷換手眼致使士朴困頓



以去其十八北鎮撫司劉僑不肯殺人媚人自是在刑  
言刑忠賢以其不善鍛鍊竟令削藉其十九科臣魏大  
中到任已奉明旨鴻臚寺報單忽傳誥責及回話臺省  
交論又再褻王言幾成解組其二十東廠原以察奸細  
非常不以擾平民也忠賢受事鷄犬不寧野子傳應星  
等爲之招搖引納陳居恭爲之鼓舌挂唇傳繼教爲之  
投畀打網片語違忤駕帖立下如近日之拏汪文言不  
從閤票不令閤知不從閤救而應星等造謀造意尤日  
夜未已勢不至典同文之獄刊黨禁之碑不已者當年  
西廠汪直之惡恐未足語此其二十一韓宗功潛入長

朕庭之內  
都城之內  
只知不思  
賢不知有  
皇上大  
小臣工積  
威之所切  
亦弗知有  
忠賢而已

安打點實往來于忠賢之家事露始今避去其錢銀七  
百兩更剗肅寧新城新城可作塌場不知九門內外生  
靈安頓何處其廿二謀同奸輔沈瀛創立內操不但使  
親戚羽黨交互盤踞其中安知無大盜刺客東處西藏  
寄名內相家丁倘或伺隙謀發于肘腋可爲寒心其二  
十三近日忠賢進香涿州鉄騎之簇擁如雲璘玉之追  
隨耀日警蹕傳呼清塵洒道人人駭爲駕幸涿州及其  
歸也以輿夫爲遲故駕四馬羽幢青蓋夾擁環遮倏然  
乘輿其間入幕密謀叩馬獻策者實頗有徒其二十四  
忠賢今春走馬御前皇上曾射殺其馬貸忠賢以不

有翼已成  
騎虎難下  
大阿倒持  
三豎共狐  
言及于此  
可爲寒心

斯時忠賢  
懼久之念  
愈深將見  
成之術愈

成忠賢進有傲色退有怨言朝夕隄防介介不釋心腹  
之人時時打點皇上果真有此事從來賊子亂臣只  
爭一念放肆遂至收拾不住奈何尚可養虎兇于肘腋  
間乎疏成意欲于午朝期而奏出疾雷掩耳之計繕寫  
甫竟次日免朝恐再宿則機洩且害成也遂循例封進  
疏入忠賢亦惴惴懼禍欲結輔臣韓爌說回爌嚴拒不  
得已泣訴御前客氏又從中委曲調幹遂令廣微條旨  
廣微忠賢素以同姓固結漣疏中復有門生宰相一語  
微謂其侵已恨之是時忠賢亦有疏辭嚴疏先下備極  
溫慰次日廼下漣疏切責不少貸漣更憤激冀袖裡補

正源狗  
狐則教  
以月者  
得不出  
而之險  
計矣

牘以伺對仗忠賢聞之阻遏三朝聖駕不御至四朝乃出皇極門上刀劍倍于往時侍班官僚更爲嚴謹左班諸臣不許擅出奏事叩關無路而虐焰坐張矣

自漢上疏之後繼上者繼至如科臣陳良訓魏大中許譽卿劉茂傳樞陳熙昌周之綱杜三英楊夢家顧其仁胡永順朱大典陳奇瑜熊希淵李精白孫紹杭陳維新楊維新御史袁化中劉芳劉廷佐李應昇房壯麗劉環胡良知喻思泃林汝霖胡士奇謝奇舉洪如漢黃尊素梁元柱李光春張鎮翟學程劉之侍周汝弼李喬嵩劉其忠宋坎兵部等衙門趙彥詹事翁正春等鄉寺則朱欽相胡世賞吏部郎中鄒維連寧侯朱國弼等不下百餘疏不能勝紀陳良訓曰魏忠賢久經言官周宗建參論不一而足憲臣又牘列罪狀特疏糾明罪浮遠竄憲臣之疏未報而忠賢辭流先下臣不知其辯飾何語但捧讀任事過直不避形迹致生猜疑之旨夫不避形迹則有迹可據矣致生猜疑則有事可疑矣隻手障天自殺

此可補忠  
烈之未  
格

王安之後無日不借事生端稱制言路殺皇上之  
耳目掃天下之忠直如論客氏一疏則立斥未欽相  
倪思輝王心一相繼去如論李實一疏則加怒章沅  
儒凡陷不測如借內相二字則謫處帥衆去不旋踵  
不墜危机則羅重錮此又憲臣疏所未及而忠賢且  
不勝誅矣從來刑餘之屬忠直絕少故結交之案例  
律獨嚴無論王甫曹節之類不可呈身即呂強張永  
業之門亦不托足彼通奸遊觀占風望氣惟勢是依  
有一于此則有莊士元  
之例在其又何道也

○以禮部尚書黃汝良掌詹事府事

皇考賓天時汝良家居見邸報有進世集及紅丸者  
不勝痛心適書同鄉黃克績勸其請會多官廷鞫奸  
有無克績是其言未即行乃有宵小即摘此書贊于  
璫至是以望荐起掌府事付實錄總裁閱挺擊一事  
史臣頗有增損至謂張差原未有擬汝良以  
事空直書而忤時局君子知其不久于位已

大學士葉向高乞休上遣文書官郝隱儒捧諭勉留向

言者四起  
元輔意王  
謂得誠忠  
賢退而請  
執忠夫其  
知忠賢之  
不能從也  
說者歸咎  
于謂持之  
不力不知  
章疏留中  
不下問察  
徒以一柄  
再揭數語  
祇有承于  
以聽之耳  
安得不去

高哭訴苦衷備述病患與不能不去之情言與淚俱求其轉達天聽隱儒伏命且以精神甚佳爲對向高又以疏辭曰魏忠賢一事議論紛紜皇上所望于臣者臣既不能得之于外廷而外廷之所責備于臣者又不能得之于皇上以旦暮去國之人居此兩窮之地緘口既難開口亦難即使無病亦萬分當去況躬難醫之病哉溫旨勉留如故○皇子薨○京師大雨雹○南京兵部尚書陳道亨等奏先帝嘗命楊漣等輔陛下爲堯舜之君言猶在耳漣受顧命又感拔起之恩其奮激觸邪以其見聞之真者入告正漣忠于陛下之職分也

敢妄有牽誣。又曰。今觀忠賢罪狀。假令十有一真。已足  
虧損聖德。傷和致戾。況如庭臣博採。就中十無一虛。  
陛下若徒念忠賢。今昔勤勞。遂舉魁柄而授之。恣所  
竊弄。姑息養奸。優柔釀亂。將謂以是。累勞何待。官豎之  
太重。而視天下太輕耶。天下者。祖宗之天下。家法者。  
祖宗之家法。太祖高皇帝。首定律令。內臣祇供使  
令。洒掃之役。違者法無赦。今忠賢違法若此。而不問。將  
如。祖法何。疏入。逆璫深惡之。

先是。道亨已引疾杜門。不與公事。及見楊漣。恭疏忽。  
喬攀扼腕。口嗟乎國家安危。誠在此矣。吾儕位大臣。  
不言。誰爲言者。卽日出署。合部院九卿諸大臣。具此  
公疏。以上。凡千言。指陳剴切。皆道亨筆也。疏入。數旨。

盜利者恨  
陵工為患  
實通天第  
一大罪問  
切于環之  
職掌故疏  
奏之其疏  
字字出于  
忠孝錄入  
疏歸故不  
載

切貴道亨嘆曰此何時尚可在公卿  
間耶乃具疏引疾遂得旨馳驛回籍

杖屯田司郎中萬燦于午門外尋卒燦初授管繕司主  
事尋轉屯田則先管寶源局而陵工其職掌也目擊銅  
斤匱乏因問局中日有何術得購銅入局咸言有內官  
監破廢銅器堆積朽爛不下數百萬但一移文旦夕可  
至燦因移文請發數月不覆細訪廼知忠賢怒云外邊  
擅查內邊之銅故不報也燦遂具疏特請查發廢銅鑄  
錢協濟陵工忠賢益怒旋出中旨詰責遂至寢閣先是  
燦任事四月若積補秤錢得銀五百一十餘兩以助陵  
工開報亦若罔聞燦憤恨甚有陵寢工用甚繁權璫造



意故違以申前疏之意略曰忠賢原名進忠今改名忠賢當亦顧名而思忠賢之義乎夫以忠賢珠玉盈筭金銀滿屋何求不得何欲不遂以此破廢銅器無足入其目當其心而亦必以一手拏定者其設心以爲不若是拏定無以操天下之利權既操天下之利權何難攬天下之政權奸雄用意最深蓄謀甚毒臣有以窺其微矣并列墳墓碑石彷彿陵寢祠宇佛堂懸耀星日等事奏入忠賢捏旨以爲借事質擾命于午門外杖之百輩職爲民時六月十七也已刻旨下午刻隨有內侍數十輩蜂擁燎寓將燎梓髮牽衣而去自燎寓至午門不

以忠公之  
食肉好而  
八子古共  
等下

張翥歿于杖罰歿于厚指之殿也

聖主

止三四里一路拳踢棍辱不可勝言。至午門時已氣絕奄奄矣。及行杖痛加箠楚視歸水米不入。至七月初七日卒。遂併其妻張氏子堦囚獄追賊至今。上昭雪命解到贓銀給還家屬贈賻收卹云。

七月詔錦衣衛逮御史林汝翥廷杖汝翥巡視北城時有曹大與郝大爭嚷服毒身歿。曹率眾毀郝之屋而掠其財用牛椎以椎之。挾制官司幾成黑獄。及翥審供出曹進傅國興等五人。進因自咎曰愚瞞無知甘受笞刑求免參奏。翥信其無他也。卽笞之十五而去。次日翥往謁客忽一竊瞞乘馬截之于途。橫言無已。翥收而審之。

未受廷杖  
而先殞命  
于中用之  
手故速出  
都門權也  
然律以臣  
子之道大  
干物議  
此一過也  
傷多少體  
面長多少  
端緒

提名趙應初不知卽傳國與也自願伏辜請罪者等亦  
如曹進例數日之間二璫見萬煤被逮已斃遂膚剋于  
王體乾體乾以聞閣票罰俸內傳降級彼此爭執往返  
數次復命廷杖者見煤畢命克奉因踰牆而出偃臥  
隣屋一晝夜遲日暮往朝房席藁待罪無有覺者及聞  
內閣兩揭檄回中官因潛出都門竟入順天巡撫鄧漢  
處自請係獄懇其具奏事聞仍杖之闕下削藉爲民○  
撫寧侯朱國弼奏言奸宦之情甚明斧鉞之誅尚緩懇  
乞立賜處分以清蕭牆大禍上怒革其任罰住祿米  
三年仍詔錦衣衛追其代筆書寫人役并掌家李太周

汝杰等刑究○羣瑤岡大學士葉向高之寓墜嘩鼓噪  
搜求御史林汝翥向高出溫旨褒答并徵回內官  
着該衙嚴緝汝翥

內官求汝翥不獲也率得騎數十人蜂擁向高之門  
謂汝翥係其外甥逃匿在彼狂呼遍索及夜行人皆  
被擒捉向高前後門皆有人圍守羣瑤之  
橫如此皆忠賢作之偏也害可勝言哉

○四川總督朱燮元生擒賊首奢崇明史都長矮老虎  
安氏等併衣甲器物偽造印信關防等解獻以彰天討  
命擇日祭告獻俘○江南水患異常浙江巡撫王洽南  
直巡撫周起元各疏奏聞命量酌賑卹○冊封光  
廟選侍傅氏爲懿如李氏爲康妃禮部疏奏國家有不

皇明法傳錄卷十三

十

易之典章亦有不可紊之次序。今皇六妹卽日選婚。選侍封典委宜舉行。若皇八妹年未及笄。婚期尚遠。選侍李氏不安併封。卽前年莊妃東李氏之封。亦在旣婚之後。事有可循。例難驟越。不聽。

傳氏皇六妹之母李氏皇八妹之母也

以數十年  
不行之廷  
杖三見于  
初日之問

萬嫌已亡  
林汝肅江

文官科號  
首者不無

過激而論  
以問檢所

節多夫

○詔錦衣衛拏汪文言午門前廷杖一百革職爲民。○大學士葉向高奏楊漣劾魏忠賢臣等言漣一人之言容有過激尚可調停未幾而諸疏繼至矣。又未幾而臺省九卿復有公疏矣。舉朝闕然殆無寧日。卽臣等亦被指摘甚者疑其爲忠賢畫策投驩當與焦芳同傳矣。臣

阿高此疏  
既極得調  
停之法能  
忠賢能  
其言則後  
日固無  
禍矣

等地居密勿不敢自同于廷臣即受疑受謗情固甘之  
惟是忠賢之心終無以自白其勢亦終下得安 皇上  
固難以不見不聞之法處此也 皇上誠念忠賢則當  
求所以保全之而今日保全忠賢之計莫如聽其自請  
且歸私第遠勢嫌疑以安中外之心而天下曉然知忠  
賢之無他 皇上攸禮而厚待之其于轉禍為福轉謗  
為譽直俄頃間耳又言內操一事則 祖宗朝所無而  
聚數千之兵甲于宮廷肘腋間在今日雖無可慮而他  
日終屬隱憂萬萬不可畢竟停止為便疏上溫旨悉數  
忠賢勤勞之功責羣臣附和猜忖之疑○通州兵士討

糧鼓噪事聞命倡首正法督撫官通行申飭及查治侵  
剋主使等情○山東叛孽戴世奎聚眾萬餘徐泗鄒滕  
復亂道臣徐從治平之兗州妖平之後餘孽無幾至是  
因泗水鄒滕缺官山賊因而哨聚時出劫畧道臣徐從  
治招撫賊首戴世奎等其強梗者緝獲而寘之刑事遂  
平○徐州大水時黃水洶湧魁山堤潰四散冲決徐州  
東南城平地水深丈餘墻場陷者一百六十四丈房舍  
傾倒者八千六百九十間漕米漂流者三千五百六十  
餘石預備倉舊積新穀一千七百八十餘石軍民男婦  
灰于水者闔城人民去三之二浮屍枕藉水濱有司以

百視一事  
 其來舊矣  
 關山多困  
 少故師眾  
 于學地觀  
 原王政之  
 所禁以陳  
 有年大賢  
 行之江西  
 式不免下  
 古傳似好  
 民既游濟  
 與以遊厚  
 利自當誅  
 戮以示威  
 禁耳

聞○奪廣東布政使饒景暉以下俸冬四月廣東米價  
 涌貴歸咎白船眾民因詣千知府程光陽光陽語少激  
 眾閭然思逞知府因趨入按院眾隨之而入知府越牆  
 逃因聞按院陳保太保太又趨入布政司布政使饒景暉  
 等以錢糧關係閉門不納保太劾之是以布政而下各  
 奪俸程光陽降二級首亂泉斬示眾其餘責而遣之○  
 大學士葉向高予告回藉加太傅蔭裔攸禮馳驛歸里  
 高初相時稱可以展布自魏璫專校奪其票擬同事  
 者更希意阿旨向高強半註藉疏三十三上而後得  
 請况廣西之敗戰守異議繁難未靖復勸撫生枝動  
 即掣肘人言屢被蓋有不能安其位者至沒薪逃校  
 因第失德楊迪疏上人  
 情愈疑是以決去云



○六科廊災

上天譴告災惑為災自有此火而六科廊之冊籍一空矣

○以朱光祚總理河道升工部尚書兼右副都御史○  
上鼻劬召內閣韓爌等五員進乾清宮大殿正中 御

座前奏恭問 聖躬萬安太醫院官五員殄 上脉奏

畢爌等再奏珍重玉體調平性情飲膳起居倍加珍重  
上各知道了叩頭出至宮門外傳 賜燒割甜食○

以南師仲為南京禮部尚書李維楨為南京禮部右侍  
郎○復召內閣英國公六部吏科河南道掌印官至乾  
清宮大殿正中 御座前眾臣問安畢 上諭朕因鼻

此豎愛也  
朝以爲小  
而忽之獨  
不聞消用  
之流遂成  
江河耶

初視學者。政明歲舉行各官承。吉記侍太醫院官二  
員。殄視。上脉奏畢。大學士韓爌等奏。聖躬關係甚  
重。伏望慎重起居。清心寡慾。靜攝殄調。上答知道了。  
各官叩頭出。吏科給事陳熙昌奏。蠓境叢好更甚。酌  
處澳夷事。下所司。澳原無夷。非如黔之有苗。仲與齊民  
襍處也。自佛朗機貓眼兒挾貲而來。無處棲泊。暫借浪  
白互市。然猶海外也。亡何而移入橡境。澳則距香山縣  
治僅數舍而遙。而其初止搭窩舖以訊爲期。今則挈家  
至焉。盤踞其中。建屋建寺。建銳建風訊廟。又于海中青  
山建一大樓堡。藩育日多。驕悍日甚。殺民動以十數。有

司莫知閭閻民子女散而歸國。獲值數千倍。積硝磺。繕戰具。養倭兵。設番哨。種種逆謀。隱然成一敵國矣。又有華人接濟爪牙。彼尚未悉中國虛實。卽或不逞。猶得以漢法從事也。乃壅斷之徒。肩摩轂擊。雜遝滇中。謂無可結夷心。得夷利。則夷言夷服。習夷教。幾于夷夏一家。多方引誘。代爲經營。令于住房外。據地以爲疆。租民以取息。每歲所入。不下二三千金。夷無斗無尺。無秤。則與之較輕重。挈長短。夷不識字。不諳文義。則與之延師訓子。甚且掃藉納監。以竊中國衣冠。舊年紅毛番報警。則與規畫地基。鳩工築城。名爲防禦。紅毛其實沿海一帶。並

無堆土依山爲壙屹然成建瓴之勢。乃若番哨流毒地方。擺槽行船者。皆沙灣市底等村人。打造銅銃銅彈。刀鉦千船萬艘。皆徑河塘馬滯坑尾等村之人。小民借此趁食。任從招搖。奸民敢于包攬。一呼而應。堂堂漢官。不難玩美于股掌。沿街提調。猶曰非武弁。卽雜流。至市舶司。奏委抽盤。任其重矣。勒屏左右。請以單車往。一何褻也。夜半忽放火銃。如霹靂聲。令司驚怖。不暇細盤。未達旦而返。經過三巴寺。徘徊一望。不得其門而入。如此聲勢。如此說秘。恐石勒劉聰之禍。復見于今日矣。說者簪云。彼有什一之利。慮無不受我籠絡。正惟利之所在。害

必伏馬荷意滿志移萬一鳴張先香山而及省有不忍  
言者是在當事者急爲之耳○都察院右都御史孫瑋  
卒加太子太保吏部尚書贈太傅

瑋未卒前一夕有遺疏奏上勉上旨治平之策莫  
如固結人心廣用善類因荐舊輔劉一崇憲臣鄭元  
標尚書周嘉謨等可用未歸之寡欲以保聖躬勤  
學以進聖德攸容以廣言路明斷以決政治皆切時  
務君子謂瑋可謂  
死不忘君者矣

○吏科都給事魏大中疏糾霍丘縣知縣鄭延祚遣人  
跪儀六十兩奉旨下法司提問并以公嚴獎大中○  
降浙江巡按張養素爲行人司副以其荐舉非人併疏  
揭遲漫也○詔定明年夏至親詣北郊再明歲躬耕藉

出

皇上登極已十三年先南郊矣。原擬北郊。藉田。並舉。因神壇器服未修。改示明成。親詣方澤。藉田。次第舉行。查舊例。藉田。萬曆八年舉行。先祭地。而後耕。藉田。藉在初春。祭地當盛夏。二季之內。大典並行。則禮節頗多。聖躬勞頓。禮臣上請。故有是命。

○升高攀龍爲左都御史。劉策右僉都御史。協理院事。總憲缺。僉謀以南憲臣。馮從吾調補。旨以大計在邇。將在朝見任。資俸深者推補。諸臣廷推。以大司馬軍國重寄。大司寇。朝審期逼。司農司空皆被人言。攀龍以刑部右侍郎欽點。○升李維楨爲南京禮部尚書。王之棟。刑部右侍郎。○河道工部尚書朱光祚予告辭朝。上疏教

免行刑

華封三祝

其語寓規下頌  
甚得吉君之體

九月詔以甲元之首，賜德方享免行刑。○北直豐潤縣西北起四面疾風暴雨，搖動房屋，拔折樹枝。本縣城內外井路途行人奔避不前，凍死百餘。薊州于中秋日驟然暴風大雨滂沱，迅雷霹靂，聲聞震空中，黑暗四望晦冥，宇舍搖動，屋瓦飛擲，大樹吹折者過半，四面城樓與寺觀牌坊俱吹隕落，兼之冰雹凍死男女無算。九月十六日寅時祭告，卯時獻俘，東夷豹敗等處決，夷戮尸梟首，傳示九邊，昭布天下。

文選  
卷十二  
其切

女  
 一  
 幼女  
 陳所  
 之負  
 助逆  
 我  
 新  
 之  
 有沒  
 之  
 師之  
 小提  
 可以  
 提為  
 也

沈惟炳曰數年以來告廟獻俘行饗度矣諸臣藉軍  
 為功名而所糜朝廷糧餉已百萬不計泥所俘者皆  
 無知小子粗蠢愚民嗚呼一將功成萬骨枯所謂功  
 者何功乎捕一逃孽即倭然稱能驅除數十小寇亦  
 守土者常事而動輒日奇功如今海外所獻之俘果  
 奴之子若孫耶抑奴之心腹將領耶恐未足損奴一  
 毛而奴且笑然于遼矣居然引大捷之例頌祝廟之  
 文不知奴運既衰遼土叛復之日又當用何典也且  
 毛帥捷疏所稱文武將吏固皆共事有勞未可株殺  
 但報功則闕外制之而擬秩除官權在吏兵二部程  
 能錫爵恩出朝廷彼公然謂某人宜受某官亦知有  
 越級擢權之嫌乎夫敘功之既寬則當有議論之嚴  
 以救之非常之典已繫則當存  
 慎重之說以俟之時以為確論

○詔加南京大理寺卿張五典為兵部尚書予告終養  
 五典張銓父也以  
 銓夙節故加之

○太常寺少卿鄭德詠上列聖講筵芳規八條以備



自萬曆初  
或以後無  
可鳴石  
河抱惟  
傳之  
亦為制  
野之贖

座覽上嘉納。○御史李應昇請念久諫之臣作敢言之  
氣。謂皇上寬仁恭惠。人人仰聖明天子。近者盈庭  
請劔。憑社難薰。孤憤銷沉。三光黯蝕。工部郎中萬燝以  
陵工補贖。遂觸震怒。然恭誦明旨。一則曰從輕。一則  
曰為民。矧之罪不至于死矣。今未報國恩。先填溝壑。六  
尺之孤。繞膝八旬之母。倚闔族。視無歸。遊魂返闕。臣僚  
飲泣道路。咨嗟然無不共亮。非出于皇上之心也。彼  
時羣瑞橫擊。血胤神飛。監杖張威。傷痕甚重。兼以倒拖  
逆拽。蹉跎摧殘。故出于此。繼而黃尊素。王振奇。杜三策。  
周洪謨。劉廷佐等。各有疏論。忠賢令。皇上有殺諫官

之名。其惡又倍在二十四款之上。上以不必責授答之。  
○以太常寺少卿謝應祥爲右僉都御史巡撫山西山  
東道御史陳九疇疏言山西缺山原欲推河南左布政  
郭尚友論才品也。又推原任撫臣魏允貞呂坤劉策稱  
媲美也。應祥不與焉。不知何故得推。且其入亦不堪用。  
章下所司。○大學士孫承宗請戍疊臣楊鶴熊廷弼王  
化貞不允。○大學士魏廣徵請于偏沅大設兵將以防  
黔餉。

偏沅巡撫原爲接濟黔滇而設。舊開府于沅州近歲  
住偏橋。偏橋者全黔黔之餉仰給川湖而必出于此地。  
此地若不設兵將防其劫掠賊僑糾合  
苗仲斷我糧道。是抗之憂必不免矣。

○泗川賊史言等倡言挫亂四散搶掠鄰縣蠢動微報  
踵至巡按御史魏光緒擒之立刻下獄復請集親諭歸  
降事旋平○都御史高攀龍糾劾貪污御史崔呈秀部  
議革職回藉透支銀數下撫案勘之呈秀奉命淮楊貪  
污可鄙盜以賄釋犯以賄免出巡每有節省之費透支  
至一萬四千兩各縣倍補甚苦其荐運同談天和樊尚  
燦劉大受旋而羅列其賍私又荐霍丘知縣鄭延祥吏  
科給事魏大中又發其僥遺禦貨鼎金播間壟斷一身  
兼之高攀龍因其回道考察劾之以洗巡方之恥○閣  
議纂修神廟實錄應分任責成按年完進上從之命

案若秋霜

各官加意綜稽、協恭裁酌、務期早成大典、

十月朔有事太廟、皇上冕而升、百執事咸集、獨閣臣

魏廣微不至、迨飲福受胙、禮且告畢、踉蹌入班拜跪、吏

糾給事魏大中劾其無禮曰、皇上以是日卯升殿、頒

來歲之曆、四方萬國九夷八蠻誰不頽首奉行、其矯命

雄行獨建、奴奢安耳、廣微執政近臣、何以驚焉、不拜正

朔也、皇上于一日間行二大禮、頒朔不至享、廟則

後至其無禮于皇上也、亦已甚矣、廣微上疏乞骸

溫旨留之、

大中指稱建奴奢安、不拜正朔、廣微恨之、入、  
異日媚璫同謀、與之、成地、則此疏為禍媒耳、

昔王孫出  
不寶白死  
齊威寶服  
乘彼叔季  
君臣尚欲  
以得其寶  
而富室天  
朝廷僅能  
執一古鑑  
光致比七  
十二代之  
後故事甚  
為難之惟  
是圭璽集  
于清廟明  
建育于明  
堂

○起余懋衡為南京吏部尚書曹于汴南京右都御史  
○玉璽出河南臨漳縣務本庄去磁州八里漳河西畔  
耕種平地忽起大風旋轉半响隨見河崖灘塌聲震如  
雷祥光旋繞有青衿王思直等向視之開出黃白交映  
其大如斗晶潔異常光燦陸離龍紐斗形方四寸厚三  
寸餘重一百一十餘兩視其篆文曰受命于天既壽且  
昌撫臣程紹聞其事于朝命入覲官資進登于天府  
高汝拭曰秦併六國得楚下和氏璧令廷尉李斯篆  
文玉人孫壽刻之文曰受命於天既壽且昌迨漢以  
還遂襲為傳國璽至永嘉後沒于劉石不可伏覘宋  
元符元年段文楚朝陽宋宗崔成楊桓之徒迎合寧  
宗附會大妃假偽相恩見于李微之楊升菴所辨駁  
班班可考又聞玉璽漢平帝時已缺一角今乃全物

言為天子  
贊象神登  
完回金甌  
唐堯虞舜  
之黃髮及  
王之玄圭  
至今存可  
明律以格  
罪而後何  
辭  
廣微曉曉  
致辭竟慢  
上無禮者  
反是而或  
星鶴立者  
反其乎  
妻口

斷非泰物可知。豈謂清恩儀詳瑞接。鍾故天。學此重。以表瑞耶。抑朝廷好言符瑞而思直等假此以罔會。耶。蓋有不。可知者矣。

○御史李應昇疏奏。閣臣魏廣微疏辯。不過罪止失儀云耳。夫行禮悞錯。如謂失儀。謹案大明律。失悞朝賀者。笞四十。祭奠失悞者。杖一百。廣微可覲顏入中書之堂。乎國家設立言官。稱耳目近臣。言及乘輿。則天子改容。事闕廊廟。則宰相待罪。廣微父嘗為言官。公正發憤。得罪。閭臣以去聲施。至今廣微獨不念乎。奈何比之露馬。斥之此輩。夫不與此輩為伍者。必另有一輩為緣。方今聖天子在上。賢公卿在下。廣微有何疚心之事。清夜

陳九齡一  
疏接以朝  
政多少致  
便闕處不  
方以事為  
又甚可惜  
也

言明治傳錄卷十三  
抱漸見指摘。輟自張皇。若十手。十日之暴。其隱也。廣微  
當退讀父書。保其家聲。母倚三窟。與言官為難。異日亦  
可見。乃父于地下耳。上以借端輕侮責之。○降吏科都  
給事。魏大中。吏部員外。夏嘉遇。御史。陳九疇。三級。調于  
外。吏部尚書趙南星。左都御史高攀龍。乞罷許之。科臣  
沈維炳疏救不允。亦調于外。時山西巡撫缺。南星見有  
行德以求者。故以太常卿謝應祥。沉靜有為。可稱其職。  
欲以處之。題言于選郎。夏嘉遇嘉遇因述。冢宰意于河  
南道袁化中。化中深然之。及化中途逢大中。告以故。大  
中曰。應祥。曾令嘉善某。亦知其才守。遂會推焉。御史陳

九時私有所憾遂詣應祥昏室大中以門牆私之兩相  
訐辯有旨會勘勘後吏部坐臺臣論人失實上上大  
怒以含糊偏庇責部院而降大中等于是南星攀龍  
皆引罪辭去大學士韓爌等力救云以一事而免兩大  
臣降處諸臣且御批徑發不復到閣憲臣一疏又蒙  
御筆改移大駭聽聞不報南星等狼狽而去國

高汝拭曰二臣之去國也芥視浮雲自遂冥鴻之遠志第使九列大臣竟與熙秦同逐于國體得毋損乎前此大臣或清議不容或昏耄不任而所以優禮之者恩蔭莽玉加之且卹其道里之勞馳驛有賜今二臣蕭然去國則遺簪散履之思惟蓋犬馬之念誠有則然不安者矣斯時聖旨有朋謀結黨之諭夫諸臣方比肩事主同心報國誰爲此言以告皇上者從來小人禍國必指正人爲黨蓋政一人者止去一



人而爲之。一字則可。空一國發端甚微。  
是禍甚鉅。其妨于天啓盛治者豈小哉。

○福建巡撫南居益奏紅夷屢敗乞宥死折城隨遁去。  
隔久受夷患。但向來飄泊海上。挾市搶掠。猶可追逐。惟  
據彭島築城。三載以來。進退有恃。兼以澎湖風濤洶湧。  
難戰。官兵憚涉。雖有中左之創。夷無退志。於是南居益  
力主渡彭。搗巢之舉。移會漳泉。募兵買船。選將士開駕。  
令守備入港。且擊且築。壘一石城爲營。屢出奮攻。各有  
斬獲。夷退守風櫃一城。南院亦發兵策應。舟師夷猶然  
不去。我師慮師老財匱。親歷海上。會同漳泉二道。發兵  
將到娘娘宮前。相度夷城地勢。風櫃三面臨海。惟蔣上

嶼一線可通。掘斷深溝。夷舟列守。空先攻舟。後攻城。舟不可泊。城必不能守矣。遂于六月。誓師進攻。直趨中壑。札營分布要害。絕其汲道。禦其登岸。擊其硫城。夷舟又移策。應兵船泊鎮海營前。海洋直逼。夷船候風。水陸齊進。夷計無復之。令夷目同通事赴投本院。並無作歹。乞緩進師。容運糧米上船。卽拆城去。撫院許之。夷果于十三日。拆起運米下船。止東門大樓三層。爲舊高文律所居。尚留戀不忍。乃督兵直抵風櫃壘。行拆毀。夷船十三隻俱向東番遁去。地方寧靜。○原任太常寺卿謝應祥回籍。○削吏部左侍郎陳于庭。右都御史楊漣。左僉都

御史左光斗籍趙南星高攀龍之去也銓部以陳于庭  
代署西臺以楊漣代署俱畱中及會推冢宰漣又以註  
藉不與其所會推喬允升馮從吾汪應蛟上又責以  
仍是南星之私人并責楊漣以註籍弊聞袁化中以挾  
私扶同一時盡去部署皆空

許譽卿曰皇上從來禮貌大臣優容言路卽向日  
大小臣工章滿公車未嘗有齒馬之嫌前及言官不  
意雷震之怒迭見摧折統鈞之地風紀之司不少顧  
一恤取老成人世所望爲歲寒松柏百尺無枝者速之  
去乃爾夫部院之長咄嗟而去百司之官攜手同行  
身輕似葉因休實傷國家數百年培養人材之德豈  
宜如是沈維炳等旣以言獲罪則後誰肯爲  
生庭之戟立杖之陽乎天下事大可慮矣

(一)大學士孫承宗以壽節伊邇入朝恭賀并以賀餉不

接欲與諸官面商。上嚴詔止之。○降御史房可壯三級調外。吏科許譽卿、沈惟炳、河南道御史袁化中各一級調外。○降吏部文選司郎中張光前三級調外。光前南入署二旬，因冢臣憲臣後先奉旨以去，乃上疏曰：臣若暗中躲閃，緘默不吐，以爲苟免之計。賣友之人，卽是欺君之人。臣豈敢蹈欺君賣友令皇甫規笑人千載之上哉。○以崔景榮爲吏部尚書，李宗延以吏部尚書兼掌都察院事。時吏部會推八臣，以李宗延居首。崔景榮第四。上欽點景榮起吏部，宗延以吏部掌西臺。○戶科陳良訓奏言：皇上聰明天縱，直自謂駕馭一時，振

有關係  
子秋風霜

日陶陳兩  
言之氣  
折五金

刷千古。急取崇官。無誤計典。但恐循此不改。祖制蕩  
如今日。以爲權安。他日以爲故紙。則在皇上防其漸耳。  
竊觀古今。惟典章可限人。而使不逞。惟名義可束人。而  
使不越。自今以往。凡遇會推。一遵祖宗成憲。無少易變。  
庶存舊章。于勿湮。留清議于一脉。奏入降三級。○降戶  
科給事陶宗道二級。調外任用。時宗道上勵精四事。一  
曰慎起居。一日去疑衷。一日慎王言。一日鑒下情。其慎  
起居者。有曰。陛下春秋鼎盛。意頗舒張。列在深宮。何  
求不足。而簡約節省之念。一刻不存。則挫精損氣之事。  
豈能盡免。至于溫喜溫怒之類。生亦非養心養體之良。

法其去疑衷者有曰謂青天白日之下決無魑魅魍魎之徒且紆青拖紫之人何故造犯法干紀之事使任事諸臣直抒初心莫作四顧然後課以實業賞罰隨之取世之法如此而已慎王言者有曰若上有所詰而撫之以爲名則傍有所規而竊之以爲號倘因諸臣之紛錯遂致天語之頻煩欲淨欲潔責以朋比夫諸臣各執成見不無異同尤望皇上盡入陶鎔化其畛域如彼此之互異一井將水火之情形立見或進或退者一時之人才爭勝爭負者異日之隱禍況借題立目百弊叢生劫譽攘名機閑反復夫虞臣斥陟不過賢奸唐宋未流

三月廿八日  
可爲殷鑒其鑒下情者有日陪推蒙點正是聖度虛  
公旣入啓事之中豈曰斜封內降止在兩人之內亦非  
顛倒英雄而當時過計亦點宸聰遂使九重漸生疑  
厭乞于形迹之外畧存體察之心勿以一事之談誤遂  
謂其心實然勿以一人之虛張遂謂其徒實甚當知跋  
人之躑躅志在求前啞夫之鳴鳴不過欲語審其無他  
盡從蠲宥若果豺狼其人臣輩自行烏集之逐疏入  
上怒其旁蹊等語且引唐宋末季爲言故有是降

案正人屏斥落藩晨星寒暄滿著崇道是疏和婉  
而諄以朝陽之鳳爲立杖之斥一語有餘榮矣

○紅夷蕩平祭告獻俘○以原任戶部尚書李啓元爲

滿然思君  
文臣之意  
見于言表

戶部尚書喬應申爲右副都御史王紹徽爲左僉都御史謝升爲文選司郎中。○大學士韓爌以申救抵觸嚴旨切責卽日上疏投劾稱病聞藉諸輔臣揭請賜禮如例不從其辭。陸疏曰願皇上慎出入起居之節。理性情喜怒之平。奉列聖之宗祧。麟趾螽斯。蚤昌亂祚。遵先帝之貽命。左右前後務近端良。重綸綍以重仕途。肅紀綱以肅朝寧。擴咸虛之度。而容賢納諫。霈解澤之施。以厚下惠民。至于封疆之安危。實係社稷之重輕。邊彝忝之廟筭。雪恥爲急。除兇固圉。用以殿邦綱。繆宜先捷。伐思流將吏。軫雪霏楊柳之勞。力秦安攘。成天保采薇。



之治。○進王天瑞永寧侯郭振明博平侯

十二月起徐兆魁爲吏部左侍郎朱燮元兵部尚書仍

總督川湖等處。○大學士沈淮卒贈少保謚文定。○

上御內殿受玉璽羣臣行慶賀禮賞河南巡撫并進璽

官該府縣生員銀幣各有差。○陝西鞏昌府兩當縣民

姚相傳天寵等殺歿縣官牛得川巡撫以聞。

往年安定縣辱邑令此又戕殺縣官則以鞏昌縣邊  
人向有夷風習爲詭詐縣官以催征之故一切決懲  
窮民計無所出遂得甘心。噫應  
鸛鷺鳳爲民上者豈何居哉。

○原任太子太保戶部尚書李汝華卒。○詔起朱蒙童

郭克恭爲太子太保寺少卿徐大化呂雲鵬孫杰大

理寺右寺丞霍維華刑科給事中王志道兵科給事中  
郭興治工科給事中徐京濂浙江道賈繼春湖廣道楊  
維垣雲南道

諸臣原係例轉茲奉中旨一則曰建言排擠都着升  
京堂一則曰各官多有爲人排斥的好生不公都升  
京堂或覆原職此亦難解者已

廣彙記曰嘗見律令有從重歸結之律則挺擊一按  
自宜從神廟處法而進業移官業經會奏屢奉  
明旨總之尤廟爲明業之人所誤非求長生嗜金  
石以致病者可比何必以不得正終爲諱若貴好秩  
格此與不可解者矣若夫宮未移以前當慮其變既  
移以後宜安于常奈經手者粗于情不無曲爲調停  
誅心者嚴于法未免激于已甚是以當局者無居功  
之心而旁觀者已多推戴之論遂致衆議紛更屢  
成案亦世道之大否臬也尚論者宜折衷于情法之平焉

以元成南  
道改北維  
曉兵部以  
錢亂成  
疑也

○浙江道御史張訥疏糾舊冢宰趙南星奸欺爲衆論之所棄一日壞選法二日壞推升三日壞會推四日壞察典五日壞臺規六日壞朝常七日壞官方八日壞典制九日壞吏治十日壞臣節降旨削奪○詔削南京御史王允成吏部郎中鄒維璉程國祥夏嘉遇籍○復追汪文言時御史梁夢環條陳計典復追論文言邵院諸臣之斥逐皆由文言肆謬○應以致貞邪混淆卽廷杖豈盡厥辜奉旨差官旂扭解來京窮究以清禍本

是役也爲一時羅織之張本縉紳殺身之禍胎文言人品心術不足數特恨勤此謹奔走公卿間卽請

逐下獄未免外示揚侈小人情狀千古一轍

是役也爲一時羅織之張本縉紳殺身之禍胎文言人品心術不足數特恨勤此謹奔走公卿間卽請

○詔寧前兵備副使袁崇煥墨衰視事不得堅求守制  
○平遼總兵毛文龍保罪撫王化貞得遼人之心可需  
異日之效 旨以威福出自朝廷不得干與責之○廣  
東御史李蕃劾輔臣朱國禎歲月不遠則前日之事當  
思 聖諭如昨則次輔之嚴 旨更當念也又曰人心  
未死廉耻尚存黃扉何地道揆何官票擬何職俾食依  
違何品可蒙袂而前掩耳而往哉國禎疏辭乞回 止  
憲置之

薛煥已去國禎尚留廣微  
不得爲首輔故議蕃劾之

左都督李承恩上疏乞恩乘轎以便朝參供事 止允

之中軍府都督永年伯王明輔新城侯王升都督張國  
紀俱比例乞恩詔亦咸允禮科給事霍守典以違例妄  
請恭駁之

案會典洪武年間一款內云坐轎止許婦人及官民  
老疾者乘之景泰四年一款在京三品以上許乘轎  
其餘不許違例在外各衙門俱不許乘轎在弘治七  
年申明兩京及在外文武官員除奉有旨及文武  
例應乘轎者止許四人扛轎其兩京五府管事并內  
外鎮守守備等官不分老少皆不許乘轎違例乘轎  
及擅用八人者指實奏聞又萬曆三年奏准武職衙  
門及勳戚等官俱不許僭用四人轎惟轎與肩輿及擅  
用交牀上馬違者聽科道及巡視衙門參奏重處指  
揮以下京衛湖外衛外衛調邊衛俱帶俸差操此今  
典之明例也今法網弛矣二三勳戚入則稱疾稱老  
乞恩恩于聖前出則東趨西謁賜得易于道上不  
思會典斷不可紊而說諛欺若猶可恨也

○原任副都御史馮從吾致仕以黃克纘代之○禮科李恒茂奏京堂壅滯已極勢當設法疏通平心酌議舊藉科道吏部三衙門循例久任不得速轉巡撫內外兼推俱係祖宗成法下部知之

乙丑天啓五年正月兵科給事中李魯生奏諸奸傾陷正人類先假借名號近者起用動曰中旨夫旨不自中出而誰出哉執中者帝宅中者王而旨不得稱中必由汪文言許念敬過付關說王安交通接引部閣之雷同響應而後爲旨則旨真外矣皇上焉能有其旨哉○應天巡撫周起元劾撫松兵糧道叅政朱童蒙朱習簿

呈秀之起  
所也田于  
許秉義  
壽故石元  
雅學家于  
呈秀爲居  
停正因結  
忘年交以  
賄于增結  
爲乾子自  
後大工既  
問促應款  
語不啻家  
久父子云

昔吏事又乏斟酌虛中閭閻雖嗟暑雨似胡越之罔聞。  
繩束有如秋荼。每刑罰之不中。疎於檢押。而左右之委  
轡不收。濫于搜括。而鉅贖之徵。輪過急。量行調處。事下  
所司。○起用原任御史崔呈秀。命其回道管事。先是呈  
秀奉命淮楊。事竣高攀龍糾其貪污無行。透支錢糧。下  
部查勘。禮科給事李恒茂曰。透支爲接骨通病。不宜論  
罪。呈秀又以青衣小帽持賄賂。而叩逆璫。結爲乾子。遂  
出中旨。謂不必行勘。回道管事。○蕪松兵糧道朱童蒙  
上疏乞骸。有 旨特畱。兵科給事李魯生遂劾撫臣周  
起元。克險絕倫。負其鬼性。借題殺人。肆其毒手。下部一

以分生  
之游史

知之。○罷禮部侍郎何如寵右諭德繆昌期。荆原任太僕寺少卿劉宗周藉○奢首糾叛苗楊應龍之裔合攻遵義破之。隨攻桐梓夔門白帝城滇中嚴戒。○詔科道阮大誠等十一人終養告病者卽與起用例。傳者仍補科道。上御經筵畢面諭吏部衙門等官近來百官結黨徇私朕已處分你每還傳與他每以後改過自新姑不深究衆官承旨隨下諭劄申飭。○慶陵工成覃恩首輔而下五人并舊輔葉向高加廕銀幣有差。

是恩覃及向高矣韓爌去在向高後亦宜一視而獨不及者以忠賢深恨之也

○兵科李潛生奏言都城書院宜改爲忠臣祠凡文武



灰難諸臣一體竝祀從之。○升李養正仍以太子太保  
刑部尚書南京禮部尚書李維禎予告馳驛回藉以董  
其昌代之。○工科給事中張惟一劾舊冢宰趙南星科  
臣魏大中矯而詐程國祥矯而險夏嘉遇矯而善借事  
下所司。

服問達高  
舉龍青子  
亦段然等  
皆在論列  
之中

二月副都御史喬應申奏吏部尚書趙南星之迷李三  
才之橫併及魏大中鄒維璉諸人。旨下覆劾李三才  
托汪文言行賄內地營謀起升房可壯特疏起荐乞取  
各官叅疏保疏俱付史館明白紀載寧下所司。

應甲疏凡十上總以東林得准撫則暗有所恃准撫  
得束焚則兩有所挾意在剖分門戶藏者病其苛馬

之 比 被  
引 及 與  
試 無 處 不  
受 推 折 幾  
于 青 山 有  
泣 聲 白 日  
無 顏 色 矣

○調湖廣、山東、江西、福建四省考官、編修顧錫疇、檢討  
丁乾學、吏科給事郝士晉、兵科給事董承業、禮科給事  
章允儒、戶科給事熊沅、吏部文選司郎中孫必顯、于  
外奪其三級、并將中式舉人艾南英等停科、各有差

逆增目不識丁、馬知試錄中作何語、遂迎其意者、乃  
明為指點、故增怒其矯旨、日朕覽各省試錄、有湖廣  
山東、江西、福建、策問內、措語粗狂、任情恣肆、間有誤  
毀朝政、議刺朕躬、逞詭譎之詞、是非任其顛倒、縱雖  
黃之只、誣毀周所願、皆因大臣納賄、主持于中、故  
各省考官、願旨占風、附會于外、壞作人之盛興、失  
祖宗之美意、將正副考  
入人、俱降三級、調外任

○宴天下卓異官員、江西談自省等八員、引奏、面加獎  
賞、吏部紀錄、即與不次擢用、見在者錫宴禮部、以示激

勸○兵科陸文獻議陳疆場積弛之情

其疎略謂臣所憂者不在夷氛之橫惡而在人情之懈弛不在邊事之難圖而在廟議之未定我議奴以爲光而欺思而病者賄賂之談也議閣以爲今日堅明日固者堂雀之情也倏聞賊急候而不急又見之喜也推官會議推餉亦會議今年會議明年會議蔡舍之謀也假張皇以示其能任假鎮靜以爲其不能任盜鈴之術也借奴酋爲催官之符尋題其爲脫却之計自圖之便也論戰不以餉士而以紀律禦敵不以甲兵而以文墨例行之法也并請籌撫三方接應之略以及師情之分合選情之善敗全在張其弛氣而杜其取譽張儀千言言甚剴切

詔差官存問李誌本處撫案存問丁賓劉楚先沈應文

○左都御史鄒元標卒贈太子太保吏部尚書

元標江西吉水人以親政進士勅輔臣張居正李情與廷杖禍戍凡七年江陵敗召拜吏科謫以內燬火

然例修省數事。是時南京刑部照磨轉兵部主事。旋轉吏部。忽又改南京刑部。請病家居。二十餘年。士類稱其比之鱗鳳。山斗云。先廟起廢。拜太常卿。憲宗朝。轉刑部侍郎。旋入掌院。後以講學都門。糾立書院。朱重蒙。郭興治。論之而去。不踰年年。今上依卿。准謚贈太子太保。

二月會試以大學士顧秉謙魏廣微充考試官。取華琪芳等三百人。

舊例會試。閣臣王試。正副陪推。止於四人。秉謙居首。朱延禧居次。廣微又次。論序。延禧首充總裁。顧與魏均欲據得。爭于閣中。秉謙乃列殿閣。以至占翰。其十數人請旨定奪。秉謙廣微以內援之力。遂得欽廉。○謫御史劉廷佐于外。奪其三級。以其牧四省。主其也。

命重慶推官某汾陽縣知縣某。以無罪被察。推部屬用。○刑部署事左侍郎饒伸奏。請另委官勘問陶朗先之

案明先到部。藉口人冊未齊。難以懸坐。是以刑部既迫于中旨之頻催。又不得不候冊籍以定法。雖曰既結之案。不過立限追贓。而証據未明。終難引律。此饒伸有另委官勘問之請。上嚴旨責之。大理寺寺丞徐大化劾楊漣左光斗黨同伐異。招權納賄等事。命侯文言逮至審明追贓。○廣東道御史崔呈秀奏巡撫樂和聲緝獲妖首王好賢首事之功。昭昭耳目。臺臣袁化中以元兇之門生故吏。爲其牙爪。嘍囉未得好賢。既叅和聲爲縱妖。既得好賢。又叅和聲爲張大淆亂功實。而解勞臣之體。上命攸敘和聲。

天下忠良  
所不可  
宗法度何  
手陳後害  
忠賢早  
呼以安寧

此等奏疏  
何須復煩  
紙筆然善  
惡並存身  
在並列是  
亦聖門存  
師範意也

○下詔奪御史周宗建、李應昇、黃尊素、張愼言職，為民  
周宗建、張愼言仍着本處撫按提問追贖。參政沈萃植  
知縣吳煥降三級，安仲以原官起用。○工部主事曹欽  
程奏周宗建原任仁和，堪私狼藉，恐人發覺，力調其至  
親同社，素附東隣黨吳煥，以繼其任，遮護其非，及鑽入  
言路，卽言荐熊廷弼，繼荐劉時俊，私庇其黨沈萃植，乃  
委身于張愼言，而因以通好趙南星，復歸命于汪文言，  
而轉以合黨于魏大中，卽今宗建通書長安，為奸黨吳  
煥謀臺省，以報前日之護持，而啓後來之接應。愼言荐  
起南星，刻有寤錄一書，以圖報附已者之私德。愼言挾

介邪結黨  
排陷正人  
所懷者小  
人之心所  
懷者小人

此恣行無忌當其屯差報滿正貴州輪差之日輒托病  
規避而以却之安伸安伸剖白反遭重處其原任曹縣  
侵盜庫銀三千兩被後任知縣石三畏查出恨之入骨  
乘其郊同年張光甫入京掌選處以王官李應昇專為  
東林護法疏中屢作合沙隱語以排擠正人惟承援其  
東林大教主高攀龍蹤跡要津召號其黨苗尊素等顯  
背明旨俾攀龍以不數月之亞卿忽躋總憲重地黃  
尊素本附江文言倖冒臺班力荐其座師鄒維璉于文  
言求轉吏部文言主使趙南星倡一省兩司官之議而  
尊素之計售矣維璉一入吏部專以搏擊善類為首功

之夢所注  
乎者君子  
之名是以  
端嗣未橫  
君子指小  
人爲小人  
亦揭君子  
爲小人橫  
禍既橫小  
人指若平  
爲小人居  
子不敢橫  
小人爲小  
人至不敢  
指爲小人  
便於手殺  
人并夜行  
如白日肆  
行

助攀龍之虐焰佐魏大中之鴟張且私囑文言力主維  
璉坐定考功謀掌乙丑察典因以橫肆其毒以上諸奸  
跡其所爲同于白蓮之倡亂借題講學反愚一世以沽  
名埒于奴酋奢安之荼毒云○謫順天巡撫鄧美于外  
奪其三級逮監軍道何棟如下鎮撫司獄

○起太子太保王永光爲南京兵部尚書王在晉南京  
吏部尚書畢自嚴南京右都御史薛三省禮部侍郎

○初六日上駕幸國子監躬行釋奠禮命祭酒李康

先司業李國楷坐講各賜銀鈔有差○刑科給事霍維

華劾閩縣知縣盧化鰲托汪文言齒謀餘部而望風承



旨如劉璞、徐世業、黃公輔、萬言、楊隨、線索以默轉傳粉  
墨而登塲。命削劉璞、徐世業、黃公輔、萬言、楊隨、化鰲藉  
爲民。○刑部會官勘問陶朗先侵盜餉銀四十萬、二千  
七百二十六兩一錢五分、其京邊十萬、移文登萊查補擬  
斬。知府徐應元、同知宋文奎等罪各有差。○迨汪文言  
并許念敬、游士任孟淑、孔等下鎮撫司獄有旨嚴刑  
寃問、照原數目追贓。

高汝拭曰：汪文言纖人耳，騎沐已甚，表其軀以喪羣  
賢，誠有大罪。然一段義氣亦自可取。初番詔獄，媚中  
涓者，卽欲致之死。幸有諸賢猶在要路，爲之周旋，意  
氣尚爾不撓。及再下詔獄，鍛鍊兩月餘，弗屈。有旨杖  
一百，其甥悲失聲。文言此曰：孺子真不才，歟。立見我  
哉。而效尤女子相泣。邪。未嘗下獄，擬鞠者四，酷刑備

加弗屈如故。最後不能堪。始仰視許顯純曰。吾日終不肖汝心。任女巧爲之。我承焉可也。顯純誣魏周諸賢之賊。文言蹶起日天乎。寬哉以此。毀清廉之士。有疾不承。特爲諸賢受雨夾棍數百穿校。嗟夫。匹夫狗彘。折必求亦足以。魏晉級之庸庸者已。

○雲南巡撫閔洪學奏言。隣酋安效良擒其亦佐逆賊安應龍來降。安應龍者係亦佐縣安定營之長。應龍令浦鮮爲亂。以天啓二年七月。逐知縣封府庫而僭亦佐以十一月。圍羅平。與阿九分營上下五營。因僭羅平之半天啓三年四月。我兵移平越。師羅之兵覆其巢穴。烏撒屢發兵追捕。深山密箐莫可踪跡。因安效良具文稱降。責其獻浦鮮。應龍然後可許。效良計誘者經年。始轉

應龍來而浦鮮終未獲也。蓋在滇渠魁不過數人。昨午  
既俘談科、李賢。今年七月再誅張世臣。所存者僅鮮與  
龍。茲復生擒應龍。亦可以了。亦佐恢復一案矣。○削刑  
部侍郎王之案。官督餉御史楊維垣論其始。不過貪污  
縣令。察處主事耳。何以躡躡今官。則以張差挺擊一案。  
夫固以爲有功先帝者也。夫案亦何功之有。不但無功。  
而且有罪。先帝儲位久正。夫何能搖。卽搖亦搖于三王  
竝封之時。不搖于福藩之國之後。皇祖于先帝止慈  
止孝。又何危卽危。亦危于狂豎持挺之時。不危于囚首  
就縛之日。是在皇祖無漢武事後之悔。而案更無車

相感悟之一言。在先帝不類史皇孫。瀕歿之生之。宋更  
無丙吉教養一事。宋亦何功。又曰。從來君臣父子之間。  
只聞有以理論。未聞有勢劫者也。投鼠者。既不思器。則  
騎虎者。豈復知擇音。彼中夜之泣。何求不獲。誠未見雷  
霆之怒。反熾于博浪之椎。是先帝之危。不危于張差之  
一挺。而危于之宋之一激也。果爾。卽碎之宋之骨。罪豈  
足贖哉。疏入。上曰。上負皇祖。并負皇考。且陷朕  
不孝。身雖顯官。拊心何忍。革職爲民。及所駿聲。復奏挺  
頓始末。命追訊追賊。○科臣田景新。恭大學士朱延禧。  
因予告馳驛回藉。

自魏廣後與瑄謀與大獄而延禧入直力爭極言已甚之不可爲二舞惡之如仇以爲不肯假借一字之褒又不肯從題坊撰牌之請且爲橫爲阻撓是首爲翊局之人也因瑄田景新泰之高汝拔曰逆瑄之在先朝猶一剛堅耳雖口含天憲孤假虎威猶未敢飛而食人也自二三輔臣居爲青貨欲借以倒番世界擅慕富貴輒擅坊奉之甘心歸闕宦之提衡且以輔弼大臣供權奸之茹吐不營情于去就亦且怵志于疾生此時閣臣但有體肅驕從聲高一人立內使如抱木寒蟬噤不出又如如有線傀偏挈之斯動欲尚公則尚公矣欲封則封爵矣欲建祠則建祠矣欲內鎮則內鎮矣欲殺則誅殺矣風雲月露之詞無日不入絲綸伐竊之章到處可鐫金不朝廷之紀綱立身之名義滅已盡甚者肆過身之鱗甲橫滿腹之戈矛借力以快報復假手以嚴禁錮三木無情悽楚一腔熱血難顯此時尚復有天日乎

此言破的

○巡江御史張繼孟。勵精旨治。條陳江防八要。其疏一  
日。祭官吏以明激揚。邇來謬拘資格。曲徇情面。甲科不  
遺薦舉。鄉貢多掛彈章。夫天生賢才。原不擇地。豈至擇  
途。而分賦哉。惟以兩眼看承。彼蒙白眼者。自覺前途太  
窄。得不卑污自處耶。今除各府首領。及州縣佐領。貪暴  
不職者。卽時斥逐外。其各府州縣印官。清廉正直者。雖  
鄉貢必列首薦。治行無狀者。卽甲科詎能曲庇。務期各  
官以廉潔勤慎自矢。倘有不顧官箴者。當以白簡從事。  
二日。清盜源。以靖江海。臣查孟河地方。江海交匯。素爲  
盜藪。至于瓜州京口等處。夏秋潮水泛溢。二三壯丁。魁

江上  
所有  
並行

此法可通  
行水火不  
獨利賊江

駕小艇詐扮漁船傍晚泊于岸邊。偶有趁船孤客。探有  
貨囊。賺入大江。不知所終。又有一等違禁雙桅沙船。交  
通積年。埠頭經紀。攬裝客貨。至于夜深僻地。或勾引賊  
船。或謀殺商命。甚至夾帶硝磺等物。出海通夷。不可不  
慎。究其所自。皆繇不肖營官。受其常例。任伊出沒。實爲  
厲階。又如江南吳淞。劉河等營。正與江北狼山諸營對  
峙。出巡官兵。每遇賊船。對敵追趕。賊船拋棄財物。不肖  
官兵。利其所有。縱放長行。養盜貽害。今行各該江防海  
防。及有司官。嚴令江岸遇晚。不許停泊小船。攬裝客貨。  
仍取具各營并埠頭經紀。有無違禁雙桅沙船在境。月

開公以終  
 經破歷德  
 用備以納  
 在公曾購  
 戰艦修造  
 可以備倭  
 何以禦寇  
 世名言

報申臣衙門查考各營哨兵有能繫身任事擒拿孟河  
 大盜一名者先賞銀拾兩仍行紀錄如因循積習此營  
 縱盜被彼營拿獲者官兵定以兵法究治至于出信兵  
 船有攬裝客貨與販私鹽與夫妄指民船為盜公行劫  
 掠者事發日除正犯擬以應得罪名外本官將領定行  
 叅究三日稽戰船以實信地江海之上戰艦為先歲額  
 修艚各有款項分派防信邇來將領優游懈怠孤信官  
 兵姓名空列文冊絕不出江查考舵兵安坐私家真船  
 港口或令一人看守似此曠役造冊支糧仍復全領上  
 下怠惰不獨有警而官哨不知即船泊江干久經風雨



兵將會哨  
古今良法

保無朽壞乎如近日狼山周橋等營兵船百隻雖已允請修造而餉誦無給派信舵兵斷不能水棲波宿責伊擒獲庸可得乎今責該將領諭令舵兵苦蓋各船住以爲家遇有盜賊隨徒奮力擒拿仍一面放砲鳴鑼知會那信兵船協攻追剿有功員役分別獎賞如有船無兵或有兵無船先提將官究治守信官兵俱以軍法重究四日嚴會哨以密巡警江海信地遼濶原設會哨法令南北各營總哨等官率兵駕船每五日一次會于適中之地隨用私記印戮于哨單哨簿其南北將領官令每半月會哨一次同至附近有司用印鈐蓋使官兵游巡

江上以張軍威。以銷盜警。法甚善也。邇來將官懈怠。總  
哨偷安。預將哨單差一兵。持一帖。齎赴有司。請印至。期  
亦令一兵執簿填寫了事。今何時也。尚可泄泄怠惰乎。  
今責南北各營將官。嚴令總哨偏裨。悉遵舊規。如期駕  
船會哨。附近有司。必驗人船俱到。方准用印。總哨舵兵  
俱要南北親臨。互相面會。用戳如按臨日。模糊支吾。除  
哨舵兵目。細打發審究。革外。將領各官。定行叅拏。用印  
有司。亦另行議處。五日足兵。食以實營。伍年來疆圉多  
故。兼以水旱頻仍。欲防不虞。則莫如練兵爲實。着近有  
不肖將領。希圖兵糧。任情占役。以致營伍空虛。且熟于

未給則發  
空名已給  
則嚴剋減  
實足則兵  
免于古利  
弊和盤托  
出可謂明  
且張勝

冷補熱補之法。一遇巡閱。緩則借彼應此。急則募民充兵。彼原非行伍中人。欲其曉步伐也。得乎。臣嘗委附近。有司不時嚴查。或有空少。及年貌不對者。開冊申報。以憑究處。又查得各營衛兵糧。原編有司徵給。邇來歷年。應給兵糧。全不依期給發。以致軍兵泣訴。至於所報支解數目。漫無稽改。惟憑紙上盈縮。除臣另行吊查外。仍令各掌印官速查。應給糧餉。盡數徵給。毋容奸胥糧解。侵欺如仍前拖延。定行提究。至若附近有司奉委放糧。必須親臨會放。抽封數準。逐名唱給。務使兵有實獲。而後可。如營官放時。尅減放後。科取許被害兵據實赴告。

先肅鹽捕  
昇拔本案  
源之論

以憑拏究。尤在有司嚴遵法紀。大破情面。正於此。此風  
力耳。六日肅鹽捕以緝盜徒。訪得沿江濱海之處。鹽徒  
公行。出沒無忌。名爲鹽徒。實行劫擄。事發自認私販。問  
配結局。事完隨復入夥。肆劫商船。是鹽徒卽強盜也。近  
如蘇州府青草沙地方。鹽快秦茂陳宇等。坐駕小哨盤  
詰。爲繇打劫客船。今已擒拏發究。是鹽捕卽強盜也。欲  
緝鹽徒。先肅鹽捕。今責令府州縣印官。嚴行鹽捕官員。  
晝夜巡緝。遇有鹽徒船隻。卽時擒拿發究。如有縱容。并  
借稱盤詰。而反行劫掠者。事犯日除。將正犯究罪外。各  
鹽捕官定行叅處。至于各信官兵。戰艦星列。而鹽徒不

練兵人皆  
知之練  
一法尤為  
名畫

能擒勦一旦鯨鯢作孽安望其折衝禦侮以清海甸耶  
以後信地鹽徒事犯則溺職官員另行褫斥兵聽究革  
七日嚴操練以鼓士氣國家厚餉以養兵將原欲開  
習武藝用防不虞然効力在兵而將兵在將必為將領  
者熟於步伐精于騎射然後責兵練習誰不率從邇來  
各營將領博帶長袖貌同儒紳其于鞍馬弓矢漫不諳  
練間一乘馬兩僕按轡徐行若不勝惴惴然夫不自閑  
習而徒責之兵庸可冀乎今責令各營備步堵要濶四  
尺高八尺閱操時除各分派試藝外各將領須是騎射  
兼試射以觀其巧力騎以觀其膽威騎射俱優者給以

食人  
等與  
如議  
除直可  
水無流賊

上賞。仍行紀錄。如兩不相兼。並漫無一長者定分別重。  
輕。以軍法究處。八日剪民害。以靖地方。訪得蘇松常鎮。  
淮揚之間。有等喇虎天罡。結黨立盟。名曰打行。又有一。  
等鐵棍。蹉棍。把持衙門。綽風捕影。夥告夥証。名曰紫火。  
國。又有一等賭棍。凡遇幼年子弟。誘嫖圈賭。一入其彀。  
不至于準折田房子女不止。又訪得三吳間。更有一等。  
神棍。投為官奴。倚勢騙害。或吞人產業。或謀人妻女。窩。  
訪賣訪。無所不為。以上三項光棍。悉聽指揮。苟觸其鋒。  
卽假虎威。直至傾家喪命。欲尚未厭。今責令各掌印官。  
嚴諭鄉約保長坊內。如有此輩。卽填入善惡簿內。朔望。

皇明續紀三朝法傳錄卷之十三  
日送該府州縣嚴行究處。仍置木扁釘其門首。明書某  
棍某人之家。至于窩訪窩盜、土豪勢要、鹽徒衙蠹、併令  
各府州縣及理刑官訪實。賊証密報。拏獲如徒。空文回  
護。併以萊傭擔塞。定以罷軟奉處。

文章最鉅者、無過奏疏。賈太傅治安偉矣、惜未見用  
于時。古今扼腕。讀張院八稟、洞達利弊、鑿鑿可見。施  
行恨為道黨所阻。然其疏已日月垂矣。公矢心天日、  
壁立千仞、遇事敢言、不避權貴。人但欽其正直爾。及  
為兩浙轉運使、適值盤錯萬難措手。公志在足國、  
政先利商。不數月而鹽井烟清。遠來近悅。則有恤  
存焉。寧獨飛輓無虛盡哉。時事孔棘、朝野望以拯濟  
者久矣。